

CYNGOR SIR YNYS MÔN

Templed Adroddiad Sgriwtini

Pwyllgor:	Pwyllgor Sgriwtini Partneriaeth ac Adfywio
Dyddiad:	9 Gorffennaf, 2018
Pwnc:	Medrwn Môn
Pwrpas yr Adroddiad:	Codi ymwybyddiaeth am y gwaith a wnaed gan Medrwn Môn ar yr Ynys ac yn cynnig her adeiladol ar y bartneriaeth rhwng y cyngor
Cadeirydd Sgriwtini:	Cynghorydd Gwilym O Jones
Aelod(au) Portfolio:	Cynghorydd Llinos Medi
Prif Swyddog-Medrwn Môn:	Sian Purcell
Awdur yr Adroddiad:	Sian Purcell
Rhif Ffôn:	01248 724944
E-bost:	post@medrwnmon.org
Aelodau lleol:	Nid yn bendol i ward

1 – Argymhelliad/ion

1. Yr adroddiad yn cael eu nodi.
2. Gofyn i Medrwn Môn fynychu'r Pwyllgor yn flynyddol er mwyn adrodd ar eu gwaith ar yr Ynys fel y gall y bartneriaeth gyda'r cyngor eu craffu.

2 – Cyswllt efo Cynllun y Cyngor / Blaenoriaethau Corfforaethol Arall

Mae Cynllun y Cyngor Sir 2017-2022 gyda'r uchelgais i weithio gyda phobl Ynys Môn, eu cymunedau a'u partneriaethau i sicrhau ein bod yn darparu'r gwasanaethau gorau posib sydd ar gael, a fydd yn gwella ansawdd bywyd pawb ledled yr Ynys.

3 – Egwyddorion Fel Canllaw ar gyfer Sgriwtini

Er mwyn cymhorthi Aelodau wrth graffu'r pwnc:-

- 3.1** Effaith mae'r eitem yn ei chael ar unigolion a chymunedau **[ffocws ar y cwsmer/ dinesydd]**
- 3.2** Edrych ar effeithlonrwydd ac effeithiolrwydd unrhyw newid arfaethedig – yn ariannol ac o ran ansawdd **[ffocws ar werth]**
- 3.3** Edrych ar unrhyw risgiau **[ffocws ar risg]**
- 3.4** Craffu'n cymryd rôl rheoli perfformiad neu warantu ansawdd **[ffocws ar berfformiad ac ansawdd]**
- 3.5** Edrych ar gynlluniau a chynigion o safbwynt:
 - hirdymor
 - atal
 - integreiddio
 - cydweithio
 - cynnwys**[ffocws ar lesiant]**

4 - Cwestiynau Sgriwtini Allweddol

- Beth yw rôl / berthynas Cyngor Sir Ynys Môn gyda Medrwn Môn?
- A yw Cyngor Sir Ynys Môn yn cyfrannu'n ariannol at Medrwn Môn?
- A yw gwaith Medrwn Môn yn cyfrannu tuag at Gynllun y Cyngor Sir?
- Sut mae Medrwn Môn yn ceisio ymgysylltu ac adlewyrchu barn y cymunedau?

5 – Cefndir / Cyd-destun

Medrwn Môn

Nod Medrwn Môn yw hyrwyddo a chefnogi gwirfoddoli, mudiadau gwirfoddol a chymunedol drwy weithio gydag unigolion, grwpiau a chymunedau ar Ynys Môn i sicrhau eu bod yn chwarae rhan llawn a blaenllaw i ddatblygu potential yr ynys.

Mae Medrwn Môn yn gwmni elusennol cofrestredig gydag aelodaeth o blith mudiadau gwirfoddol a grwpiau cymunedol lleol. Mae'n rhan o rwydwaith o Gynghorau Gwirfoddol Sirol sy'n weithredol ledled Cymru. Daw'r cyllid tuag at ein gwaith craidd o Lywodraeth Cymru drwy'r WCVA. Mae Medrwn Môn yn rhedeg prosiectau eraill hefyd, sy'n cefnogi ein gwaith craidd.

Ein Datganiad o Fwriad

Nod Medrwn Môn yw hyrwyddo a chefnogi gwirfoddoli, mudiadau gwirfoddol a chymunedol drwy weithio gydag unigolion, grwpiau a chymunedau ar Ynys Môn i sicrhau eu bod yn chwarae rhan llawn a blaenllaw i ddatblygu potensial yr ynys.

Ein Ethos

- Annibynnol
- Di-duedd
- Di-ragfarn
- Cynrychiadol
- Democrataidd

Mae gan y mudiad:

- 9 aelod o staff
- 9 aelod bwrdd
- dros 300 o aelodau.

Mae yna dros 800 o fudiadau a grwpiau ar ein bas data ac maent yn derbyn gwybodaeth perthnasol i'r sector yn reolaidd.

Ein gweithgareddau

- Galluogi unigolion i fod yn rhan o'u cymunedau, a bod yn weithredol ynddynt drwy eu hysbysu a'u cyfeirio at ystod eang o gyfleoedd i wirfoddoli a chyfranogi.
- Cefnogi mudiadau sy'n ymwneud â gwirfoddolwyr i ragori wrth recriwtio, cadw a rheoli eu gwirfoddolwyr, yn ogystal â datblygu a hyrwyddo eu cyfleoedd i wirfoddoli.

- Cefnogi ymddiriedolwyr i ragori yn y gwaith o lywodraethu eu mudiadau ac i'r mudiadau hynny fod yn hyfyw a chynaliadwy.
- Cefnogi mudiadau gwirfoddol a grwpiau cymunedol i allu cyflenwi canlyniadau o safon, drwy ddarparu gwybodaeth, hyfforddiant a chymorth.
- Sicrhau bod mudiadau gwirfoddol yn gallu ymgysylltu a chyfrannu'n effeithiol i bolisi cyhoeddus a'u cynrychioli yn lleol, yn rhanbarthol ac yn genedlaethol.
- Cymorth i bobl a chymunedau ymgysylltu'n fwy effeithiol â chyrrff cyhoeddus.

Mae ein gwaith yn canolbwyntio'n fras ar y themâu cyffredin canlynol:

- Gwybodaeth a chynngor
- Dysgu a datblygu
- Rhwydweithio a chyfathrebu
- Siapio, dylanwadu ac adeiladu cyfalaf cymdeithasol a chydnerthedd y sector
- Codi proffil y sector

Y Sector Gwirfoddol ar Ynys Môn (2005)

- 518+ grwp
 - 6095 ymddiriedolwyr
 - 8718 gwirfoddolwyr
 - 437 staff cyflogedig
 - £51.8 miliwn wedi'i gyfrannu i'r economi leol
- Ymchwil WCVa (2005)

Prosiectau a Chyllidwyr – 2018-19

Llywodraeth Cymru:

- Cefnogi Trydydd Sector Cymru
- GwirVol

Bwrdd Iechyd Prifysgol Betsi Cadwaladr:

- Hwylsydd Iechyd a Gofal Cymdeithasol

Clwstwr PC:

- Cyd-lynu Asedau Lleol
- Linc Cymunedol Môn

Cyngor Sir Ynys Môn:

- Linc Cymunedol Môn (Cronfa Gofal Integredig)
- Cyd-lynu Asedau Lleol (Cronfa Gofal Integredig)

Plant Mewn Angen

- Cyngor Ieuenctid "Llais Ni"

Comic Relief

- #miwnaf

Cefnogi Trydydd Sector Cymru

Parhawn i weithio'n agos gyda'r Rhwydwaith o Gyngorau Sirol Gwirfoddol ar draws Cymru drwy ein Cytundeb Partneriaeth 'Cefnogi Trydydd Sector Cymru', sef rhwydwaith o fudiadau cymorth i'r trydydd sector cyfan yng Nghymru. Mae'n cynnwys yr 19 corff cymorth lleol a rhanbarthol ledled Cymru, sef y Cyngorau Gwirfoddol Sirol, a'r corff

cymorth cenedlaethol, Cyngor Gweithredu Gwirfoddol Cymru (WCVA) wedi'i ariannu gan Llywodraeth Cymru.

Rydym yn gweithio gyda dinasyddion, gwirfoddolwyr a grwpiau trydydd sector i ganfod yr hyn sy'n bwysig iddyn nhw ac i weithredu yn unol â hynny. Mae ein gweithgareddau craidd i gryfhau'r trydydd sector a gwirfoddoli yn canolbwyntio ar y canlynol:

- Galluogi a chefnogi
- Bod yn gatalydd
- Ymgysylltu a dylanwadu

Fframwaith Cyflawni 2018-2019

- Llywodraethu'n Dda
- Gwirfoddoli
- Ymgysylltu a dylanwadu
- Cyllido cynaliadwy

Llywodraethu'n Dda

- **Gwybodaeth a chyngor**

Darparu gwybodaeth, cyngor ac offer hygyrch i sicrhau llywodraethu da a galluogi gwelliant parhaus

- **Dysgu a datblygu**

Rhoi cymorth ymarferol i ymddiriedolwyr a staff cyflogedig er mwyn gweithredu'n gyfreithlon ac yn effeithiol

- **Hyrwyddo systemau sicrhau ansawdd**

Helpu mudiadau i ganfod safonau ansawdd perthnasol a gweithio tuag at eu cyflawni

- **Codi proffil y sector**

Codi ymwybyddiaeth o werth a chyfraniad y sector at gymdeithas yng Nghymru.

Gwirfoddoli

- **Grantiau**

Cymorth i ddatblygu'r gallu i recriwtio a chefnogi sylfaen gynaliadwy o wirfoddolwyr yng Nghymru

- **Rhwydweithiau a chyfathrebu**

Gweithredu fel cyfrwng i rannu gwybodaeth, dealltwriaeth ac arfer da i gefnogi gwelliant parhaus

- **Recriwtio a lleoli gwirfoddolwyr**

Cynorthwyo i ganfod, datblygu a hwyluso cyfleoedd gwirfoddoli hygyrch, o safon ac i baru gwirfoddolwyr â chyfleoedd addas

- **Rheoli gwirfoddolwyr**

Cefnogi mudiadau i fanteisio i'r eithaf ar fuddion gwirfoddoli i bawb

- **Cydnabod a gwobrwyo**

Codi proffil llwyddiannau gwirfoddolwyr unigol a'u cyfraniad ar y cyd at lesiant a chydlyniant Cymru

Ymgysylltu a dylanwadu

- **Gwybodaeth a chyngor ar bolisi**

Cymorth i ymgysylltu'n briodol â chyrff llywodraethu perthnasol yn y sector cyhoeddus, a dylanwadu arnynt, drwy ddysgu a datblygu, a datblygu cydberthnasau sydd o fudd i bawb.

- **Llais y trydydd sector**

Dod â her, cynrychiolaeth ac atebolrwydd i strwythurau lleol, rhanbarthol a chenedlaethol y sector cyhoeddus, drwy gynrychiolaeth Cefnogi Trydydd Sector Cymru ar strwythurau llywodraethu yn y sector cyhoeddus, neu drwy helpu i enwebu a chynnwys cynrychiolydd priodol o'r trydydd sector.

- **Ymgyrchu**

Cymorth i ysgogi newid positif yn llesiant dinasyddion Cymru.

Cyllido Cynaliadwy

- **Gwybodaeth a chynghor**

Gwella ymwybyddiaeth a dealltwriaeth o gyfleoedd i sicrhau cyllid ac adnoddau er mwyn datblygu gallu mudiadau i sicrhau a thyfu incwm

- **Dysgu a datblygu**

Gwella sgiliau, gwybodaeth a gallu mudiadau i godi arian a'i reoli'n effeithiol

- **Codi proffil y sector**

Cydnabod llwyddiannau wrth godi arian, rhannu gwybodaeth ac arfer da a meithrin perthynas well â chyllidwyr

- **Mynediad at wasanaethau ymarferol a buddion**

Darparu mynediad at fuddion sydd wedi'u trefnu'n lleol, yn rhanbarthol neu'n genedlaethol a chyfeirio at ffynonellau o gymorth ymarferol

- **Mynediad at gyllid**

Helpu i gynyddu lefelau incwm, amrywio cyllid a dod yn ariannol gynaliadwy

- **Cefnogi modelau darparu gwasanaethau a mentrau newydd**

Cyflwyno ffyrdd newydd o weithio ar gyfer dyfodol cydnerth

Ein Nodau 2016-17

- *Dinasyddion gweithredol ac ymgysylltiol*

Pobl yn gallu gwirfoddoli gyda chynnydd o ran gallu a brwdfrydedd

Mudiadau a grwpiau sy'n ymwneud â gwirfoddolwyr yn gallu recriwtio, cadw a rheoli gwirfoddolwyr yn well

- *Sector gwirfoddol hyfryd a chynaliadwy*

Mudiadau gwirfoddol a grwpiau cymunedol yn cael eu llywodraethu a'u rheoli'n dda ac yn cyflenwi canlyniadau o safon

- *Ymgysylltu effeithiol mewn polisi*

Mudiadau gwirfoddol, grwpiau cymunedol ac unigolion wedi'u cysylltu'n well ac yn gallu dylanwadu a chyfrannu at bolisi cyhoeddus.

CANLYNIADAU 2016-17

Dinasyddion gweithredol ac ymgysylltiol

Canlyniad:

Mwy o bobl ym Môn yn cael budd o ymwneud â gwirfoddoli

Beth rydym yn ei wneud?

Mae Medrwn Môn yn cefnogi unigolion o bob oed i wirfoddoli drwy hyrwyddo cyfleoedd gwirfoddoli, cyfeirio unigolion at fudiadau a'u cynorthwyo drwy'r broses recriwtio a chefnogi pobl i gymryd rhan yn eu cymunedau.

Beth wnaethom gyflawni yn 2016-17?

Rydym yn gweithio i sicrhau bod mwy o bobl yn Ynys Môn yn cael budd o ymwneud â gwirfoddoli ac yn dathlu cyfraniad gwirfoddolwyr i wasanaethau cyhoeddus a bywyd dinesig ym Môn.

Mae gwirfoddolwyr yn chwarae rhan fwyfwy pwysig a dynamig yn eu cymunedau ac mae Medrwn Môn yn hyrwyddo, cefnogi a datblygu pob math o wirfoddoli, gwirfoddolwyr a grwpiau gwirfoddol ar lefel leol, gan gydnabod bod eu cyfraniad unigryw yn rhoi manteision i'r rhai sy'n defnyddio/derbyn y gwasanaeth, cymunedau lleol a'r gwirfoddolwyr hwy eu hunain.

- Lleoli 13 o wirfoddolwyr
- Cynnal 1 digwyddiad i ddathlu gwirfoddolwyr a gwirfoddoli
- Cynnal 1 ffair gwybodaeth gyda 12 o fudiadau yn ymuno
- Rhannu £4000 mewn grantiau drwy'r Panel dan arweiniad pobl ifanc GwirVol
- Hybu 67 cyfleoedd gwirfoddoli ar www.gwirfoddolicymru.net
- Hybu ac annog cyfranogiad cymunedol a dinasyddiaeth gweithredol

Beth oedd ein heffaith?

Trefnodd Medrwn Môn i Albert Owen AS a Rhun ap Iorwerth AC wirfoddoli gyda mudiad gwirfoddol neu grwp cymunedol o'u dewis yn ystod Wythnos Gwirfoddoli. Pwrpas hyn oedd codi proffil gwirfoddolwyr a sicrhau fod ein haelodau etholedig yn cael dysgu am brofiadau gwirfoddolwyr o lygad y ffynon. Fe wirfoddolodd Albert Owen yn siop elusenol Hosbis yn y Cartref ac yn y siop elusenol Tenovus ac fe wirfoddolodd Rhun ap Iorwerth yng Nghanolfan Dydd Y Goleudy, gyda Digartref yng Nghaergybi.

Dyma stori un gwirfoddolwr:

"Yn ystod fy amser yn gwirfoddoli yng Nghanolfan Dydd, Y Goleudy, yng Nghaergybi, rwyf wedi gallu helpu pobl sy'n fregus drwy roi cymorth, cefnogaeth a bod yn rhywun i siarad hefo am eu problemau tra maent yn teimlo'n unig. Dros y 6 mis diwethaf, rwyf wedi ennill sgiliau a phrofiadau yn y diwydiant gofal fydd o fudd i mi pan yn dechrau fy nghwrs Nyrsio Oedolion yn y Brifysgol. Rwyf wedi cael cyfle i weithio gyda tim wych o staff, gwirfoddolwyr a gwasanaethau eraill ac wedi bod ar gyrsiau lle dwi wedi dysgu llawer ac wedi ennill cymwysterau.

Yn gyffredinol, mae'r profiad o fod yn wirfoddolwr wedi bod yn gret a buaswn yn awgrymu gwirfoddoli i unrhyw un byddai eisiau cyfrannu i'r gymuned a gwneud ei rhan i helpu. Does yr un teimlad gwell na hyn a dyna un o'r prif resymau pam dwi'n caru gwirfoddoli."

Canlyniad:

Pobl a chymunedau'n ymgysylltu a chyd-gynhyrchu gwasanaethau cyhoeddus

Beth rydym yn ei wneud?

Mae Medrwn Môn yn rhedeg Lleisiau Lleol, rhaglen sy'n cael ei ariannu gan y Gronfa Loteri Fawr. Mae 9 mudiad yn aelodau o'r Portffolio, sydd wedi'i ddylunio i gael pobl i chwarae mwy o ran mewn dylunio a chyflenwi gwasanaethau ar gyfer eu cymunedau. Yn ogystal mae Lleisiau Lleol yn sicrhau ffyrdd effeithiol i alluogi unigolion a chymunedau i leisio barn a sicrhau fod eu llais yn cael ei glywed yn ystod cyfnodau cynllunio a dylunio gwasanaethau cyhoeddus, gan ofalu bod darparwyr gwasanaeth yn cael clywed beth yn union y mae ar y gymuned ei angen. Model 'Adeiladu Cymunedau' sydd wedi'i fabwysiadu i hwyluso'r broses, drwy ddefnyddio'r dulliau ymgynghori gwahanol i greu darlun o holl asedau'r gymuned sy'n amrywio o wasanaethau lleol; adeiladau a llecynnau gwyrdd; pobl, gwybodaeth a sgiliau; i rwydweithiau lleol a gweithgareddau cymunedol.

Beth wnaethom gyflawni yn 2016-17?

Rydym wedi gweithio mewn cymunedau i sicrhau eu bod yn chwarae rhan mewn penderfyniadau sy'n eu heffeithio hwy. Gyda llai o arian cyhoeddus ar gael, rydym wedi mynd ati i ddarganfod beth all cymunedau gyflawni ar eu pen eu hunain, neu hefo buddsoddiad neu gymorth gwasanaethau cyhoeddus a sut maent yn gallu darganfod datrysiadau ar y cyd i ateb anghenion cymunedol.

- Cefnogi a datblygu 4 Hyb Cymunedol
- Cydweithio gyda'r Cyngor Sir ar adnabod 3 model o ymgynghori ac ymgysylltu drwy'r Bwrdd Ymgysylltu ac Ymgynghori ar y Cyd
- Cyfrannu tuag at flaenoriaethau Bwrdd Gwasanaethau Cyhoeddus a bwydo barn cymunedau drwy'r broses
- Cynnal a hwyluso Panel Dinasyddion Ynys Môn, gyda 67 aelod yn cyfranogi
- Cefnogi Cyngghair Seiriol i weinyddu £20,000 o gyllid datganoledig
- Datblygu safonau 'hawdd ei ddeall' drwy Lleisiau Lleol
- Ymgysylltu gyda dros 2390 o bobl drwy ein prosiect Swyddogion Cynnwys Cymunedau

Beth oedd ein heffaith?

Derbyniodd Cyngghair Seiriol £10,000 o gyllid datganoledig gan Gyngor Sir Ynys Môn fel prosiect peilot ac, gyda chynghor a chefnogaeth Medrwn Môn, fe rannwyd rhwng 4 Cyngor Cymuned ar sail eu bod yn ymgysylltu gyda'u cymunedau ar sut bydd yr arian yn cael ei wario.

Cynhaliwyd cyfarfod lle cyflwynwyd syniadau a chytunwyd arnynt gan aelodau'r Gyngghair. Mae'r cyllid wedi'i wario ar wneud addasiadau i neuaddau bentref, offer chwarae, pabell fawr (marquee) a gweithgareddau dros y Pasg yn yr ardaloedd. Fe wnaeth y rhan fwyaf o'r Cynghorau Cymuned gyfrannu arian cyfatebol o'u hadnoddau hwy eu hunain. Roedd blaenoriaethau gwario hefyd yn cyfateb i fylchau a blaenoriaethau adnabuwyd wrth gasglu gwybodaeth gwaelodlin.

Ar ôl derbyn £10,000 ychwanegol drwy gyllid Gronfa Gofal Canolranol, mae'r Gyngghair wedi sefydlu pwyllgor grantiau bychain i dderbyn ceisiadau gan y gymuned yn unol â'r canllawiau cyllido. Maent hefyd wedi creu a lansio safle we, a gyda chynllun bws mini cymunedol - yn unol â'r blaenoriaethau a adnabuwyd yn y rowndiau gwreiddiol o ymgynghori.

Mae datganoli £10,000 i fudiadau megis Cyngghair Seiriol yn eu caniatáu i gysidro yn union sut y dylai'r arian hynny gael ei wario yn unol â'u blaenoriaethau ac mae wedi, mewn effaith, eu galluogi i fod yn fwy cynaliadwy wrth gyrraedd adnoddau wedi'u targedu ar gyfer y ward. Canlyniad hyn yw bod mwy o bobl yn ymwybodol o'r prosiect, aelodau yn ennill sgiliau newydd mewn arwain mudiadau cymunedol a phrofiadau o weithio gyda'i gilydd i ddyrannu cyllid, sgiliau a phrofiadau.

Canlyniad:

Mwy o gymunedau'n cael budd o wirfoddolwyr a mwy o fudiadau'n darparu cyfleoedd gwirfoddoli o safon

Beth rydym yn ei wneud?

Mae Medrwn Môn yn gweithio i sicrhau fod cymunedau Môn yn rhai gwydn ac wedi'u grymuso i wneud gwahaniaeth yn lleol drwy ddarparu gwasanaethau lleol dan arweiniad gwirfoddolwyr.

Drwy weithio yn agos gyda'n cymunedau ar lawr gwlad, medrwn gefnogi unigolion i ddod

at ei gilydd i adnabod anghenion lleol ac ymateb yn gadarnhaol i'r sialensiau hynny drwy weithred gwirfoddol a dinesig.

Beth wnaethom gyflawni yn 2016-17?

Rydym wedi gweithio mewn cymunedau i sicrhau bod unigolion yn chwarae rhan flaenllaw mewn ymateb i sialensau a chyfleoedd cymunedol drwy wirfoddoli a chyfranogi. Mae nifer o bobl ar draws yr ynys wedi dod at ei gilydd i greu, datblygu a chyd-weithio ar Hybiau Cymunedol, Rhwydweithiau Lleol a grwpiau cymunedol. Mae Medrwn Môn yn gweithio i sicrhau adnoddau cefnogol i unigolion a chymunedau megis Linc Cymunedol Môn, sy'n darparu gwybodaeth a chymorth i unigolion am wasanaethau a gweithgareddau sydd ar gael gan y trydydd sector a'r prosiect Cydlynw Asedau Lleol, sy'n gweithio gydag unigolion, teuluoedd a grwpiau lleol i'w hannog i arwain a datblygu systemau cefnogi hwy eu hunain.

- Sicrhau cyllid i redeg prosiect Cydlynwyr Asedau Lleol mewn 2 dref i hybu cyfranogiad cymunedol
- Cefnogi 4 Hyb Cymunedol newydd
- Datblygu Rhwydweithiau Dementia Gyfeillgar gyda'r nod o fod yn Ynys Dementia Gyfeillgar
- Cynnal Linc Cymunedol Môn, gyda dros 2400 o ymholiadau am wasanaethau trydydd sector
- Datblygu 3 prosiect 'Men's Shed'
- Cynnal 1 ffair gwybodaeth / rhwydweithio i fudiadau sy'n cynnwys gwirfoddolwyr

Beth oedd ein heffaith?

Datganolwyd cyllid o'r Gronfa Gofal Canolraddol i Medrwn Môn allu ymgysylltu gyda thrigolion yn Llanfairpwll mewn proses o adnabod yr angen am Hyb Gymunedol yn yr ardal. Wrth ddefnyddio model 'Adeiladu Cymunedau' a ddatblygwyd drwy ein prosiect Lleisiau Lleol, fe wnaeth Medrwn Môn gynnal nifer o sesiynau mapio yn yr ardal yn ogystal â digwyddiadau agored a sesiynau grwp ffocws. Roedd y dystiolaeth yn dangos mai'r Neuadd Goffa yn Llanfairpwll byddai'r lleoliad gorau ac mae prosiect Lleisiau Lleol wedi bod yn gweithio gyda'r Cyngor Cymuned a thrigolion eraill ar adnabod sut all y cyllid cyfalaf gael ei wario. Dechreuwyd ar y gwaith adeiladu ar ddechrau'r Haf ac mae'r gweithgareddau a adnabuwyd yn ystod y broses ymgynghori yn awr ar gael drwy Hyb Cymunedol Llanfairpwll, ar ei newydd wedd, ers i'r Hyb gael ei lansio yn Nhachwedd 2016.

Mae 2 hyb ychwanegol yn derbyn cymorth Medrwn Môn erbyn hyn - un ym Mryngwran a'r llall yn Llanfaelog. Mae'r ddau hyb yma wedi gweithio gyda Lleisiau Lleol i greu ffordd o ddal gwybodaeth am asedau lleol a hefyd am wybodaeth am beth mae pobl leol yn teimlo yr oeddynt eu hangen yn yr hybiau.

Mae'r hyb ym Mryngwran am gael ei leoli yn Nhafarn y pentref, sef y Iorwerth Arms, sydd, ers 2015, yn berchnogaeth y gymuned. Dywedodd Neville Evans, Cadeirydd Bryngwran Cymunedol:

"Rydym wedi colli'r siopau i gyd ac, heblaw am yr ysgol, bydda colli'r dafarn yn golygu byddai dim byd ar ôl, mae gennym ni weledigaeth gyffrous i'r dyfodol ac rydym eisiau agor y drysau i bob aelod o'r gymuned. Rydym yn barod wedi agor y drysau i bobl hyn y pentref ac yn gobeithio ehangu hyn yn y dyfodol".

Bydd yr hybiau cymunedol yn cael eu defnyddio i greu mwy o gyfleoedd i bobl sy'n byw yn yr ardaloedd i gymryd rhan mewn gweithgareddau bydd yn helpu i leihau arwahanrwydd cymdeithasol ac unigrwydd a chynyddu llesiant drwy ddod a gwasanaethau lleol i'r ardaloedd. Mae'n gyfle i bobl ddod i gymdeithasu a bod yn fwy

annibynnol a gwydn drwy adnabod gweithgareddau a gwasanaethau yr hoffent hwy ei weld ar gael yn yr hybiau.

Talwyd y cyllid i grwpiau trydydd sector a chynghorau cymuned a bydd yn cael ei ddefnyddio i annog cynladwyedd a chynyddu'r defnydd o adeiladau lleol fel lleoliadau i ddod a'r gymuned at ei gilydd.

Trydydd sector hyfyw a chynaliadwy

Canlyniad:

Ymddiriedolwyr hyderus o ran arwain eu mudiadau a chynnal safonau uchel o lywodraethu

Beth rydym yn ei wneud?

Mae Medwn Môn yn cynnig ystod eang o wasanaethau i gefnogi ymddiriedolwyr i lywodraethu eu grwpiau cymunedol a mudiadau gwirfoddol yn effeithiol yn ogystal â'u cynorthwyo hwy i symud tuag at fod yn gynaliadwy a chreu ffynhonnellau incwm newydd.

Beth wnaethom gyflawni yn 2016-17?

Rydym wedi gweithio gyda grwpiau newydd a grwpiau wedi'u sefydlu i'w cefnogi gyda'u hymholiadau am lywodraethu a threfniadaeth. Mae'r gwasanaeth yn cael ei deilwra i gefnogi grwpiau i ddatblygu ymarferion cadarn a gweithredu'n fwy effeithiol.

Rydym wedi cefnogi grwpiau ar faterion o gychwyn grwp i gau grwp i lawr, i gydymffurfiaid, rheoli cyllid, cefnogaeth adnoddau dynol, canlyniadau, monitro effaith a systemau ansawdd.

Drwy hyn oll, mae gwasanaeth datblygu Medrwn Môn yn helpu grwpiau lleol i ateb y galw a hwyluso gwelliant i ddarpariaeth gwasanaeth.

- Ymateb i 8 ymholiad gan ymddiriedolwyr ynglyn â materion llywodraethu Cynnal 2 digwyddiad ymddiriedolwyr gyda 74 yn mynychu
- Cefnogi 1 Cynghrair Cymunedol i sefydlu, gan roi cyngor ar dyrannu grantiau cymunedol a materion llywodraethol

Beth oedd ein heffaith?

Derbyniodd Medrwn Môn ymholiad gan Banc Bwyd Ynys Môn, Pantri No. 6, yn dilyn ail-drefnu'r pwyllgor - roedd y gwirfoddolwyr newydd yn awyddus i ddechrau o'r newydd a rhoddwyd cyngor ar lywodraethu, strwythur a ffurf mudiad newydd. Fe sefydlodd y grŵp fel Cwmni Cyfyngedig gan Warant gyda chynghor pellach yn cael ei gynnig am recriwtio a rheoli gwirfoddolwyr, gydag awgrym i gysylltu â chlwb ieuenctid lleol a'r ysgol uwchradd. Roedd y grŵp hefyd yn chwilio am arweiniad am gyllid a gyda chymorth gan Medrwn Môn, fe lwyddodd y grŵp i sicrhau £5,000 oddi wrth Arian i Bawb Cymru. Fel un o 4 Banc Bwyd ar yr ynys, fe wnaeth Medrwn Môn annog Pantri No. 6 i wneud cysylltiad gyda'r banciau bwyd eraill i ddysgu a rhannu profiadau.

Fe roddodd Medrwn Môn cefnogaeth bellach i Pantri No. 6 pan wnaeth y grŵp sylweddoli fod eu hadeilad cyfredol yn ddrud i'w rhentu (£5,000 y flwyddyn) ac yn anaddas i redeg eu prosiect - fe wnaed cysylltiad hefo Medrwn Môn ac fe drefnwyd cyfarfod gyda'r Cyngor Tref; roedd adeilad cyfagos i Siambr y Cyngor ar gael ar ddydd Mercher am ffi o £10.00 gan gynnwys gwres / trydan a.y.b.

Mae cyd-weithio gyda'r Cyngor Tref a gweithredu o ofod llai a fwy pwrpasol yn galluogi Pantri No.6 i ffocysu ar eu prosiect a'r tasgau pwysig o ymestyn oriau agor, recriwtio gwirfoddolwyr newydd a marchnata yn hytrach na rhoi eu hymdrech i gyd i mewn i

ymgeisio am grantiau cyfalaf i wella adeilad yr oeddynt yn ei rhentu. Mae'r symud i adeilad newydd hefyd wedi'u hysgogi i ffocysu ar gyflwyno datganiadau i'r wasg a chodi ymwybyddiaeth o'r prosiect cymdeithasol sy'n gwasanaethu'r gymuned yn nalgylch Amlwch, tref wledig yng Ngogledd Môn.

Gyda chefnogaeth gychwynnol, mae'r fenter gymdeithasol angenrheidiol yma yn gallu parhau, cyfnerthu a datblygu i ddenu gwirfoddolwyr, diogelu'r gwirfoddolwyr cyfredol a pharhau i rannu parseli bwyd ar fwy nag un diwrnod yr wythnos a gwasanaethu'r gymuned yn nalgylch Amlwch.

Canlyniad:

Trydydd sector sydd â'r wybodaeth a sgiliau i alluogi mudiadau i weithredu'n gynaliadwy

Beth rydym yn ei wneud?

Mae Medwn Môn yn cynnig ystod eang o wasanaethau i gefnogi mudiadau gwirfoddol a grwpiau cymunedol ym Môn drwy ddarparu cyngor, arweiniad a gwybodaeth; cyngor cyllido; hyfforddiant a chysiau i sicrhau bod y trydydd sector gyda'r sgiliau a gwybodaeth angenrheidiol i alluogi iddynt weithredu'n gynaliadwy. Rydym hefyd yn cynnig gwasanaethau ymarferol i grwpiau a mudiadau.

Beth wnaethom gyflawni yn 2016-17?

Darperir gwybodaeth gyfredol drwy ein cylchlythyr Dan Do Môn. Cynhyrchwyd 4 cylchlythyr yn ystod 2016-17 a dosbarthwyd i dros 882 o fudiadau. Rydym yn defnyddio cyfryngau cymdeithasol ar-lein i ledaenu negeseuon am ein gwaith. Mae'r wefan yn darparu gwybodaeth i'r sector, gyda thaflenni gwybodaeth ar lywodraethu, cyllido, codi arian, tendro, grantiau a benthyciadau, cynhyrchu incwm a dogfennau llywodraethu. Rydym wedi darparu hyfforddiant ar bynciau megis Diogelu Plant a Phobl Ifanc a Goruchwyliaeth a Chefnogaeth. Eto eleni bu staff Medrwn Môn yn paratoi a rhannu pabell gyda mudiadau a grwpiau yn Sioe Môn.

Mae'r gwasanaethau rydym yn eu cynnig yn codi capasiti staff a gwirfoddolwyr i allu rhedeg eu mudiadau a grwpiau yn fwy saff a chyfrifol a'u galluogi i gefnogi pobl yn eu cymunedau.

- Cynnal 10 sesiwn hyfforddiant gyda 111 o gyfranogwyr
- Adborth gan gyfranogwyr yn nodi bod 100% yn ystyried ein sesiynau hyfforddiant yn ardderchog neu'n dda iawn
- 5400 o sesiynau ymwelwyr i'r safle we
- Darparu 4 rhifyn o Dan Do Môn
- Darparu gwasanaethau ymarferol 189 o weithiau
- Codi ymwybyddiaeth 2 ddeddf newydd
- Paratoi pecyn cymorth ar gyfranogi
- 9 mudiad/grwp yn rhannu pabell Sioe Môn
- Cynnal 5 cymhorthfa cyllido gyda 80 o gyfranogwyr

Beth oedd ein heffaith?

Mae grwpiau cymunedol yn hanfodol i greu cymunedau cynaliadwy. Mae cael pobl yn dod at ei gilydd i ffurfio grŵp yn helpu i wella cymuned, mae'n hybu cynhwysiant cymdeithasol ac yn cynyddu'r niferoedd o bobl sy'n chwarae rhan uniongyrchol yn eu cymuned. I alluogi'r grwpiau cymunedol yma ffynnu, mae'n hanfodol bod yr adnoddau (ariannol ac eraill) ganddynt i gynnal eu gwasanaethau a gweithgareddau.

Mae Medrwn Môn yn trefnu a chynnal nifer o gymorthfeydd cyllido ac mae'n gyfle i grwpiau a mudiadau gael sgwrs a thrafodaeth ynglŷn â phrosiectau posibl a cheisiadau cyllid arfaethedig gyda chyllidwyr. Manteision y gymorthfeydd hyn yw eu bod yn caniatáu

trafodaeth fanwl gyda'r grŵp am y prosiect arfaethedig, gan siarad drwy'r ffrydiau ariannu posibl a'r math o wybodaeth y byddai ei hangen, gan gynnwys costau/cyllideb, edrych ar sut mae'r grŵp wedi'i sefydlu a ph'un a oes ganddynt bolisiau priodol yn eu lle.

Ymhlith y cyllidwyr sy'n mynychu cymorthfeydd cyllido a drefnir gan Medrwn Môn, mae:

Y Gronfa Loteri Fawr
Sefydliad Lloyds TSB
Plant Mewn Angen y BBC
WCVA

Un o lwyddiannau mwyaf cymorthfeydd cyllido Medrwn Môn eleni yw Parc Sglefrio Llangefni, sydd wedi sicrhau cyllid o £370,000 gan y Gronfa Loteri Fawr ar ôl i gynrychiolwyr y grŵp fynychu Cymhorthfa Cyllido yng Nghanolfan Ebeneser yn Llangefni, wedi iddynt dderbyn cyngor gan Medrwn Môn i geisio am gyllid Y Gronfa Loteri Fawr. Maent eisoes wedi sicrhau £37,000 o gyllid gan Ymddiriedolaeth Elusenol Ynys Môn tuag at y prosiect ac rydym wedi eu cynorthwyo ymhellach gyda pholisiau a threfnu hyfforddiant Diogelu Plant.

Canlyniad:

Mudiadau sy'n sicrhau'r adnoddau a chreu gwasanaethau newydd angenrheidiol i oroesi a thyfu

Beth rydym yn ei wneud?

Mae Medrwn Môn yn ceisio sicrhau ein bod yn darparu rhwydwaith gefnogol o wasanaethau i grwpiau cymunedol a mudiadau gwirfoddol a bod y grwpiau a mudiadau hynny yn ffynnu ac yn cael defnydd.

Beth wnaethom gyflawni yn 2016-17?

Drwy sicrhau fod gwasanaethau cyhoeddus yn ymwybodol o'r gwasanaethau mae'r trydydd sector yn ei ddarparu i unigolion ar draws yr ynys, rydym yn gallu cyfeirio ac annog defnydd o'r gwasanaethau trydydd sector yma. Os oes bylchau mewn darpariaeth, byddem yn amlygu hyn i wasanaethau cyhoeddus er mwyn iddynt gysidro comisiynu darnau penodol o waith gan y trydydd sector.

Mae Linc Cymunedol Môn yn gallu hyrwyddo gwasanaethau a gweithgareddau grwpiau cymunedol a mudiadau gwirfoddol.

- Ymateb i dros 2400 o ymholiadau Linc Cymunedol Môn
- Cynnal peilot gwasanaeth Daisy
- Datblygu 3 Rhwydwaith Dementia Lleol
- Cychwyn 'Men's Shed' yn Llangefni
- Ymateb i 45 ymholiad cyllido
- Llwyddo i ddenu £563,150 o fuddsoddiad newydd i weithred lleol, cyfleusterau a gwasanaethau
- Sicrhau buddsoddiad o £50,000 i ddatblygu hubiau cymunedol
- Hybu gwasanaethau trydydd sector gyda Clwstwr Meddygon Môn a Gwasanaethau Cyhoeddus eraill

Beth oedd ein heffaith?

Yn ystod 2016-17 fe dderbyniodd Linc Cymunedol Môn dros 2400 o ymholiadau. Mae Linc Cymunedol Môn yn gweithredu fel Un Pwynt Mynediad ar gyfer pobl Ynys Môn i gael gwybodaeth am fudiadau trydydd sector sy'n gallu darparu cymorth a gwybodaeth i fynd i'r afael â'u hangenion lefel is.

Mae Linc Cymunedol yn derbyn cyswllt uniongyrchol gan unigolion, ond hefyd yn derbyn cyfeiriadau gan y Cyngor Sir a Bwrdd Iechyd Betsi Cadwaladr, yn ogystal ag eraill, gan gynnwys mudiadau gwirfoddol a grwpiau cymunedol.

Mae nifer y cyfeiriadau uniongyrchol a'r galwadau i Linc Cymunedol Môn wedi cynyddu ac mae gwybodaeth am wasanaethau a gweithgareddau lleol yn cynyddu. Mae Swyddog Datblygu'r Linc yn gweithio gyda phrosiect Lleisiau Lleol i fapio gwasanaethau yn ogystal â'r tîm Cydlynu Asedau Lleol, sy'n gweithio ar lawr gwlad i roi cymorth i unigolion wneud cysylltiadau a'u cymuned a rhoi gwybod iddynt am weithgareddau cymunedol neu wasanaethau gwirfoddol all fod o gymorth iddynt.

Drwy weithio gyda North Wales Deaf Awareness, drwy'r prosiect Lleisiau Lleol daeth i'r amlwg bod nifer o bobl yn ein cymunedau methu defnyddio gwasanaethau gan eu bod yn defnyddio ffôn neu e-bost i gysylltu a golyga hyn fod pobl fyddar neu gyda phroblem clyw yn gorfod dibynnu ar berson arall i gysylltu ar ei rhan. Fe gynhaliwyd peilot o'r enw DAISY – 'Digital Access Interpreting System for Anglesey' am gyfnod o 6 mis ac roedd unigolion yn gallu cysylltu hefo Linc Cymunedol Môn drwy Skype dros o we ac yn gallu defnyddio Iaith Arwyddion Prydain.

Ymgysylltu effeithiol mewn polisi

Canlyniad:

Sector sy'n cyfrannu'n effeithiol i bolisiau ar bob lefel

Beth rydym yn ei wneud?

Mae sicrhau bod llais trydydd sector Ynys Môn yn cael ei glywed ac y rhoir clust iddo yn un o nodau allweddol Medrwn Môn. Mae rhannu llais y sector yn rhoi llais cryfach i gymundau gan herio a dylanwadu sut mae gwasanaethau yn cael eu darparu.

Beth wnaethom gyflawni yn 2016-17?

Mae gan fudiadau gwirfoddol a grwpiau cymunedol rôl hanfodol mewn mynd i'r afael ag anghenion lleol cymunedau. Maent yn gallu cynrychioli llais y gymuned maent yn gwasanaethu, gan gynnwys y rhai sy'n cael eu hymyleiddio.

Gyda chymorth gan Medrwn Môn, mae mudiadau a grwpiau wedi casglu safbwyntiau a phrofiadau unigolion sy'n derbyn neu'n defnyddio'u gwasanaethau ac wedi cyfrannu tuag at gyd-gynllunio neu wella gwasanaethau cyhoeddus. Maent hefyd wedi gallu darparu gwybodaeth leol amrywiol, gwerthfawr.

Fel Cyngor Gwirfoddol Sirol, mae Medrwn Môn yn darparu platfform i'r sector gyfleu negeseuon drwy ein rhwydweithiau a pherthnasau gyda chyrff cyhoeddus megis y Bwrdd Gwasanaethau Cyhoeddus, Pwyllgor Cyswllt y Sector Gwirfoddol a Bwrdd Ymgysylltu ac Ymgynghori ar y cyd. Yn ogystal mae Medrwn Môn wedi bod yn ffynhonnell ddata a gwybodaeth ynddo'i hun.

10 o grwpiau cynllunio/gweithgorau strategol sy'n cynnwys aelodau'r trydydd sector 8 fforwm neu rwydwaith trydydd sector sy'n cael cymorth

Beth oedd ein heffaith?

Dros y blynyddoedd diwethaf bu Medrwn Môn a Lleisiau Lleol yn gweithio'n agos gyda Chyngor Sir Ynys Môn drwy Pwyllgor Cyswllt y Sector Gwirfoddol i ddatblygu Cytundeb Compact Ynys Môn, sef cytundeb partneriaeth rhwng Cyngor Sir Ynys Môn a'r Trydydd Sector yn Ynys Môn. Yn ogystal, bu datblygiad o'r Cod Ymarfer ar gyfer Ariannu'r Trydydd Sector (Cod Cyllido), sy'n nodi'r egwyddorion a'r gweithdrefnau ar gyfer trefniadau ariannu gyda'r Trydydd Sector.

Yn ystod 2016-17, wedi i'r Cyngor Sir ymgynghori ar eu Cyllideb ar gyfer 2017-18, fe ymgwymerodd Medrwn Môn arolwg i weld os oedd y trydydd sector wedi cyfrannu i'r ymgynghoriad ar Gyllideb y Cyngor Sir, os oeddynt yn ymwybodol o'r Cod Cyllido a sut oedd yn gweithio a.y.y.b. Roedd y canlyniadau yn dangos fod nifer o faterion allweddol i weithio ar gyda'r Cyngor Sir, gan gynnwys trefniadau paratoi dogfennau tendro, codi ymwybyddiaeth staff y Cyngor, codi ymwybyddiaeth o fewn y trydydd sector a annog y trydydd sector i ymgysylltu gyda phrosesau gwneud penderfyniadau er mwyn sicrhau bod eu lleisiau yn cael eu clywed.

Mae Medrwn Môn wedi pwyso ar y Cyngor Sir, drwy'r Pwyllgor Cyswllt y Sector Gwirfoddol, i sicrhau fod egwyddorion y Cod Cyllido yn cael eu mabwysiadu a'u gweithredu. I gefnogi'r achos fe ddefnyddiodd Medrwn Môn ymatebion a chanlyniadau'r holiadur y trydydd sector fel tystiolaeth pan yn cyflwyno'r darganfyddiadau i'r Pwyllgor Cyswllt. Gofynwyd i'r Cyngor Sir ystyried y darganfyddiadau wrth gynllunio i ymgynghori ar Gyllideb 2017-18. Penderfynwyd creu Cynllun Gwaith i sicrhau bod negeseuon o fewn y Compact a'r Cod Cyllido yn cael eu rhannu.

Canlyniad:

Y sector yn cael ei gydnabod fel llwybr hanfodol i gyfranogiad ac ymgysylltu, gan gynnwys gyda grwpiau lleiafrifol a rhai dan anfantais

Beth rydym yn ei wneud?

I alluogi ein cymunedau i fod yn wydn ac wedi'u grymuso, mae'n angenrheidiol i'r bobl fod yn frwdfrydig ac yn ymgysylltu mewn cynllunio a chyd-gynhyrchu gwasanaethau cyhoeddus ac yn hyderus bod eu Llais yn cael ei glywed. Mae Medrwn Môn yn chwarae rôl bwysig mewn hwyluso prosesau i unigolion a chymunedau adnabod anghenion neu bryderon gwir ac, o bosib, cuddiedig, i leisio barn ac i ddylanwadu ar wasanaethau lleol a strategaeth yn effeithiol. Mae'r annibyniaeth yma - o bwrpas, llais a gweithred - yn allweddol i bwrpas Medrwn Môn. Mae'n galluogi Medrwn Môn i gynrychioli'r materion sy'n bwysig i'r rhai sydd â diffyg dylanwad a phŵer. I lwyddo i wneud hyn, mae'n rhaid i Medrwn Môn fod yn (a chynnal bod) yn annibynnol. Ni ddylai Gwasanaethau Cyhoeddus orchymyn blaenoriaethau, distewi negeseuon, neu rwystro Medrwn Môn rhag gwneud ein gwaith mewn unrhyw ffordd.

Beth wnaethom gyflawni yn 2016-17?

Lle bo'r sector gwirfoddol a chymunedol gyda chynrychiolaeth ar Fyrddau a Phartneriaethau, mae'n ymarfer da i hyn gael ei gefnogi gan strwythurau ar gyfer ymgysylltu ac adborth gan y sector ehangach. Mae Medrwn Môn yn gweinyddu fforymau a rhwydweithiau i ddarparu'r ymgysylltiad ac adborth; er enghraifft, bu cyfarfod o'r Rhwydwaith Iechyd Gofal Cymdeithasol a Lles yn trafod y sgwrs "Beth sy'n bwysig?" a'r pwysigrwydd o gynnwys y trydydd sector yn yr ymarfer a rhoddwyd adborth i Grŵp Cyfeirio Rhanddeiliaid Bwrdd Iechyd Prifysgol Betsi Cadwaladr ac Iechyd Cyhoeddus Cymru drwy ei ymgyrch cenedlaethol #bethsy'nbwysigichi. Ein gwaith mwyaf dylanwadol eleni, fodd bynnag, yw'r gwaith o ddatblygu Panel Dinasyddion Ynys Môn a Chyngor Ieuenctid Ynys Môn (Llais Ni).

- 67 aelod o Banel Dinasyddion Ynys Môn
- Ymatebodd aelodau'r panel i 30 ymgynghoriad

Beth oedd ein heffaith?

Mae Medrwn Môn yn gweinyddu Panel Dinasyddion Ynys Môn ac mae Cyngor Ieuenctid Ynys Môn (Llais Ni) yn aelod o bortffolio ein prosiect Lleisiau Lleol; mae'r ddau brosiect yma (sy'n deillio o brosiect Lleisiau Lleol) yn rhoi cyfle uniongyrchol i unigolion leisio barn ar wasanaethau cyhoeddus, drwy Medrwn Môn.

Fel Cyngor Gwirfoddol Sirol, mae Medrwn Môn wedi darparu platfform i unigolion a'r sector gyfleu negeseuon drwy ein rhwydweithiau a pherthnasau gyda chyrff cyhoeddus megis y Bwrdd Gwasanaethau Cyhoeddus, Pwyllgor Cyswllt y Sector Gwirfoddol a Bwrdd Ymgysylltu ac Ymgynghori ar y cyd. Yn ogystal mae Medrwn Môn yn ffynhonnell ddata a gwybodaeth ynddo'i hun.

Pwrpas Panel Dinasyddion Ynys Môn yw bod yn llais i gymuned ehangach Ynys Môn ar gyfer unrhyw berson dros 16 oed sy'n byw ar Ynys Môn i rannu barn am wasanaethau cyhoeddus. Mae aelodau o'r panel yn cael dewis pynciau sydd o ddiddordeb iddynt o bynciau fel Hamdden, Swyddi i lechyd. Mae aelodau'n dewis sut yr hoffem gymryd rhan ac mae Medrwn Môn yn rhoi gwybod i aelodau'r panel sut maent yn gwneud gwahaniaeth drwy roi adborth rheolaidd. Mae 67 o aelodau gweithredol ar y panel ac maent wedi cael dweud eu dweud mewn 30 ymgynghoriad yn ymwneud ag amrywiaeth o bynciau yn cynnwys cyllidebau a blaenoriaethau Cyngor Sir Ynys Môn, Gwasanaeth Ambiwlans Cymru a Thipio Anghyfreithlon ac wedi cymryd rhan mewn 3 digwyddiad ymgynghori. Mae aelodau hefyd wedi dweud wrthym ba mor hawdd oedd hi i gymryd rhan mewn ymgynghoriadau 42 o weithiau.

Canlyniad:

Sector sy'n chwarae rôl effeithiol mewn cynllunio, cyflenwi a chraffu ar wasanaethau cyhoeddus

Beth rydym yn ei wneud?

Mae Medrwn Môn yn rhedeg rhaglen Lleisiau Lleol sy'n cael ei ariannu gan y Gronfa Loteri Fawr. Mae 9 mudiad yn aelodau o'r Portffolio, sydd wedi'i ddylunio i gael pobl i chwarae mwy o ran mewn dylunio a chyflenwi gwasanaethau ar gyfer eu cymunedau. Yn ogystal mae Lleisiau Lleol yn sicrhau ffyrdd effeithiol i alluogi unigolion a chymunedau i leisio barn a sicrhau fod eu llais yn cael ei glywed yn ystod cyfnodau cynllunio a dylunio gwasanaethau cyhoeddus, gan ofalu bod darparwyr gwasanaeth yn cael clywed beth yn union y mae ar y gymuned ei angen. Mae Cyngor Ieuenctid Ynys Môn (Llais Ni) yn un o 9 aelod o bortffolio Lleisiau Lleol.

Beth wnaethom ni gyflawni yn 2016-17?

Mae Llais Ni Ynys Môn yn deillio o'r prosiect Lleisiau Lleol, a ariannwyd gan y Loteri Fawr am 4 mlynedd.

Pwrpas Cyngor Ieuenctid Ynys Môn (Llais Ni) yw sicrhau bod llais pobl ifanc rhwng 11 a 25 mlwydd oed yn cael ei glywed a'i gyfleu yn yr un modd a'r Panel Dinasyddion. Mae 31 o aelodau gweithredol.

- 31 aelod o Llais Ni
- 1 o 9 aelod o Portffolio Lleisiau Lleol

Beth oedd ein heffaith?

Yn ystod 2016-17 fe wnaeth Cyngor Sir Ynys Môn redeg peilot, mewn partneriaeth â Llais Ni, i sefydlu ffordd o weithio sy'n galluogi mewnbyn gan bobl ifanc ac sy'n ychwanegu gwerth i graffu.

Fe edrychodd y peilot yn benodol ar y broses o osod Cyllideb y Cyngor Sir ar gyfer 2017/18 a rhoi prawf i weld sut i wella ymgysylltiad pobl ifanc mewn prosesau democrataidd. Roedd yn archwilio sut i ddatblygu dealltwriaeth pobl ifanc o'r broses o symud thema o ymgynghoriad i graffu gan Aelodau. Fe gaeth y peilot yma ei amlygu yn

genedlaethol fel model o ymarfer da gan y Ganolfan Craffu Cyhoeddus a'i rannu gyda Llywodraeth Cymru.

Fe wnaeth aelodau o Llais Ni greu hanes wrth fod y grŵp o bobl ifanc cyntaf i fynychu Pwyllgor Sgriwtini Corfforaethol o fewn Cyngor Sir Ynys Môn, ym mis Chwefror 2017.

6 – Asesiad Effaith ar Gydraddoldeb [cynnwys effeithiau ar yr Iaith Gymraeg]

Dim yn berthnasol

7 – Oblygiadau Ariannol

-

8 – Atodiadau

Medrwn Môn- Adroddiad Blynyddol 2016-2017

9 - Papurau Cefndir (cysylltwch ag awdur yr Adroddiad am unrhyw wybodaeth bellach os gwelwch yn dda):

-

MEDRWN MÔN

ADRODDIAD BLYNYDDOL

2016-17



Cefnogi unigolion, gwirfoddolwyr,
grwpiau cymunedol a mudiadau
gwirfoddol ar Ynys Môn



Cefnogi Trydydd
Sector **Cymru**

Third Sector
Support **Wales**

Medrwn Môn

Cynnwys:

Tudalen:

Cyflwyniad:

Cyllid a Chyllidwyr	2
Adroddiad y Cadeirydd	3
Ynglyn â Medrwn Môn	4-5

Ein gwaith:

Dinasyddion gweithredol ac ymgysylltiol	6-8
Trydydd sector hyfyw a chynaliadwy	9-11
Ymgysylltu effeithiol mewn polisi	12-14
Dangosyddion Perfformiad	15
Uchafbwyntiau'r flwyddyn mewn lluniau	16

CYDNABYDDIAETH:

Rydym yn ddiolchgar i'n harianwyr, heb eu cefnogaeth hwy, ni fyddai ein gwaith i gefnogi a datblygu gweithgarwch gwirfoddol lleol yn bosibl:

Llywodraeth Cymru; Cronfa Loteri Fawr; Cyngor Sir Ynys Môn; Cyngor Gweithredu Gwirfoddol Cymru; Bwrdd Iechyd Prifysgol Betsi Cadwaladr.



Llywodraeth Cymru
Welsh Government



ARIENNIR GANY
LOTERI GENEDLAETHOL
NATIONAL
LOTTERY FUNDED



CYNGOR SIR
YNYS MÔN
ISLE OF ANGLESEY
COUNTY COUNCIL



GIG
CYMRU
NHS
WALES

Bwrdd Iechyd Prifysgol
Betsi Cadwaladr
University Health Board

Incwm a Gwariant 2016-17:

Incwm:

£795,905

Gwariant:

£533,365



**Cefnogi unigolion,
gwirfoddolwyr,
grwpiau cymunedol a
mudiadau gwirfoddol
ar Ynys Môn**

**Cadeirydd:
Islwyn Humphreys**

**Prif Swyddog:
John R Jones
Sian Purcell**

**Neuadd y Dref
Sgwâr Bulkeley
Llangefni
Ynys Môn
LL77 7LR**

**Nod Medrwn Môn yw
hyrwyddo a chefnogi
gwirfoddoli, mudiadau
gwirfoddol a chymunedol
drwy weithio gydag
unigolion, grwpiau a
chymunedau ar Ynys
Môn i sicrhau eu bod yn
chwarae rhan llawn a
blaenllaw i ddatblygu
potential yr ynys.**



Wendy Flynn

Gyda thristwch mawr bu i Wendy Flynn, Gweinyddwr Medrwn Môn, farw yn ystod 2016, yn heddychlon a gyda'i theulu. Bydd ymrwymiad a chyfraniad Wendy i Medrwn Môn a'r Sector Gwirfoddol yn cael ei gofio'n annwyl a bydd ei phresenoldeb yn cael ei golli'n fawr.

Adroddiad y Cadeirydd

Dyma hi eto yn ddiwedd blwyddyn arnom - blwyddyn sydd wedi bod yn eithaf heriol. Ar ddechrau'r flwyddyn, roeddem yn bryderus beth fyddai effaith uniad posib o'r Cynghorau Sirol ar draws y Gogledd ond fe ddaeth chwa o awyr iach pan gyhoeddwyd nad oedd uno i gymeryd lle, wedi i Lywodraeth Cymru newid cyfeiriad - gwasanaeth leol i bobl a chymunedau lleol sy'n holl bwysig.

Yn ystod y flwyddyn, gwelwyd Mrs Sian Purcell yn cymeryd trosodd awenau Medrwn Môn fel Prif Swyddog. Eisioes mae hi yn gweithredu yn gadarn ac effeithiol iawn. Wrth gwrs, fe ffarweliwyd â'i rhagflaenydd, Mr John R Jones, gan ddiolch iddo am ei gyfraniad gwerthfawr a helaeth i'r Bwrdd ac i waith Medrwn Môn.

Fel y flwyddyn flaenorol, fe welwyd toriadau ariannol pellach. Er hyn, rhaid canmol y staff am ymateb yn bositif a chyflawni prosiectau gyda graean a gwên. Manteisiaf ar y cyfle i ddiolch i bob aelod o'r gweithlu am eu hymroddiad i waith ac amcan Medrwn Môn - hir y parhao.

Mae'r sector yn parhau i wynebu heriau ond hefyd yn wynebu cyfleoedd - daeth dwy ddeddf bwysig iawn i rym sy'n cyfleu pwysigrwydd y trydydd sector, o weithred gwirfoddol ar lawr gwlad i ddylanwadu ar bolisiau cenedlaethol:

- Deddf Llesiant Cenedlaethau'r Dyfodol (Cymru) 2015
- Deddf Gwasanaethau Cymdeithasol a Llesiant (Cymru) 2014

Parhawn i weithio'n agos gyda'r Rhwydwaith o Gynghorau Sirol Gwirfoddol ar draws Cymru drwy ein Cytundeb Partneriaeth 'Cefnogi Trydydd Sector Cymru', mewn partneriaeth â Llywodraeth Cymru a WCVA.

Gan y byddaf, dan reolau sefydlog y Bwrdd, yn sefyll i lawr fel Cadeirydd, hoffwn ddiolch yn ddifffuant am yr anrhydedd o fod yn Gadeirydd y Bwrdd Rheoli. Rwyf wedi mwynhau cydweithio â staff ac aelodau hynod o ymroddgar. Dymunaf yn dda i fy olynydd.

**Islwyn Humphreys
Cadeirydd**

Medrwn Môn

Mae Medrwn Môn yn gwmni elusennol cofrestredig gydag aelodaeth o blith mudiadau gwirfoddol a grwpiau cymunedol lleol.

Mae'n rhan o rwydwaith o Gyngorau Gwirfoddol Sirol sy'n weithredol ledled Cymru. Daw'r cyllid tuag at ein gwaith craidd o Lywodraeth Cymru drwy'r WCVA. Mae Medrwn Môn yn rhedeg prosiectau eraill hefyd, sy'n cefnogi ein gwaith craidd.

Ein Datganiad o Fwriad

Nod Medrwn Môn yw hyrwyddo a chefnogi gwirfoddoli, mudiadau gwirfoddol a chymunedol drwy weithio gydag unigolion, grwpiau a chymunedau ar Ynys Môn i sicrhau eu bod yn chwarae rhan lawn a blaenllaw i ddatblygu potensial yr ynys.

Ein Nodau

- **Dinasyddion gweithredol ac ymgysylltiol**
Pobl yn gallu gwirfoddoli gyda chynnydd o ran gallu a brwdfrydedd
Mudiadau a grwpiau sy'n ymwneud â gwirfoddolwyr yn gallu recriwtio, cadw a rheoli gwirfoddolwyr yn well
- **Sector gwirfoddol hyfyw a chynaliadwy**
Mudiadau gwirfoddol a grwpiau cymunedol yn cael eu llywodraethu a'u rheoli'n dda ac yn cyflenwi canlyniadau o safon
- **Ymgysylltu effeithiol mewn polisi**
Mudiadau gwirfoddol, grwpiau cymunedol ac unigolion wedi'u cysylltu'n well ac yn gallu dylanwadu a chyfrannu at bolisi cyhoeddus.

Ein gweithgareddau

Galluogi unigolion i fod yn rhan o'u cymunedau, a bod yn weithredol ynddynt drwy eu hysbysu a'u cyfeirio at ystod eang o gyfleoedd i wirfoddoli a chyfrannu.

Cefnogi mudiadau sy'n ymwneud â gwirfoddolwyr i ragori wrth recriwtio, cadw a rheoli eu gwirfoddolwyr, yn ogystal â datblygu a hyrwyddo eu cyfleoedd i wirfoddoli.

Cefnogi ymddiriedolwyr i ragori yn y gwaith o lywodraethu eu mudiadau ac i'r mudiadau hynny fod yn hyfyw a chynaliadwy.

Cefnogi mudiadau gwirfoddol a grwpiau cymunedol i allu cyflenwi canlyniadau o safon, drwy ddarparu gwybodaeth, hyfforddiant a chymorth.

Sicrhau bod mudiadau gwirfoddol yn gallu ymgysylltu a chyfrannu'n effeithiol i bolisi cyhoeddus a'u cynrychioli yn lleol, yn rhanbarthol ac yn genedlaethol.

Cymorth i bobl a chymunedau ymgysylltu'n fwy effeithiol â chyrff cyhoeddus.

Yn 2016 roedd Medrwn Môn yn dathlu penblwydd 15 o flynyddoedd! Fe wnaethom ddathlu'r achlysur yn y ffordd mwyaf priodol - sef dathlu gwirfoddolwyr Ynys Môn yn ystod Wythnos Gwirfoddoli!



Medrwn Môn

Aelodau'r Bwrdd Rheoli

Cadeirydd:

Islwyn Humphreys

Samariaid Gogledd Orllewin Cymru

Is-Gadeirydd:

Andrew Mark Hughes

Malltraeth Ymlaen

Trysorydd:

Elfyn Hughes

Neuadd Bentref Penysarn

Eileen M Clarke

Ynys Môn (Anglesey) Group Riding RDA

William Hadfield

Cynllun Tro Da Benllech a'r Cylch

Lyn Môn Owen Hughes

Barnardos

John Wyn Jones

Ynys Môn Access (hyd at Tachwedd 2016)

Dr Morag McGrath

Ymgyrch Diogelu Cymru Wledig CPRW

Dr W H Roberts

Cymunedau'n Gyntaf Môn

Yvonne Tatam

Sefydliad y Merched (hyd at Gorffennaf 2016)

Selwyn Williams

Canolfan Cyngori Ynys Môn

Cyfetholedig

Aled Griffiths

Hawliau Lles Anabledd

Dilys Shaw

Tai Chi Llangefni

Aelodau'r Pwyllgor Cyllid ac Adnoddau Dynol

Islwyn Humphreys

Samariaid Gogledd Orllewin Cymru

Elfyn Hughes

Neuadd Bentref Penysarn

Andrew Mark Hughes

Malltraeth Ymlaen

Morag McGrath

Ymgyrch Diogelu Cymru Wledig CPRW

Selwyn Williams

Canolfan Cyngori Ynys Môn (hyd at Ebrill 2016)

Aelodau Staff Medrwn Môn

John R Jones

Prif Swyddog ar y cyd (hyd at Awst 2016)

Sian C Purcell

Prif Swyddog ar y cyd (hyd at Awst 2016), Prif Swyddog (o Fedi 2016)

Wendy Flynn

Gweinyddwr (hyd at Mai 2016)

Derlwyn R Hughes

Swyddog Datblygu Gwybodaeth a Hyfforddiant

Linda Jones

Swyddog Gweinyddol

Rhian Medi

Swyddog Cyswllt Canolfan Wirfoddoli

Bethan Jukes

Swyddog Datblygu Gwirfoddoli / Swyddog Panel Dinasyddion Lleisiau Lleol

G Lon Moseley

Swyddog Linc Cymunedol Môn

Lyndsey Campbell Williams

Rheolwr Prosiect Lleisiau Lleol

Rachel Argyle

Swyddog Ymgysylltu Panel Dinasyddion Lleisiau Lleol (hyd at Fehefin 2016)

Catrin Ruth Hampton

Swyddog Cefnogi Prosiect Linc Cymunedol Môn (o Fedi 2016)

Katharine Harper Williams

Swyddog Cysylltu Cymunedau

Sheree Ellingworth

Cydlunydd Ardal Leol (o Ragfyr 2016)

Rhian Thomas

Swyddog Presgribio Cymdeithasol (o Fawrth 2017)

Dinasyddion gweithredol ac ymgysylltiol



Lluniau uwch (ch-dd):
Cryw Tyddyn Môn gyda Rhun ap Iorwerth AC; staff Medrwn Môn yn trafod gwirfoddoli gyda Môn FM; Lluniau gwaelod (ch-dd): Albert Owen AS yn siop elusennol Hosbis yn y Cartref yn ystod Wythnos Gwirfoddoli; Gwirfoddolwyr Age Cymru Gwynedd a Môn yn derbyn tystysgrifau Wythnos Gwirfoddoli.
Isod: Rhun ap Iorwerth AC gyda chriw Goleudy, Caergybi yn ystod Wythnos Gwirfoddoli.



Canlyniad: Mwy o bobl ym Môn yn cael budd o ymwneud â gwirfoddoli

Beth rydym yn ei wneud?

Mae Medrwn Môn yn cefnogi unigolion o bob oed i wirfoddoli drwy hyrwyddo cyfleoedd gwirfoddoli, cyfeirio unigolion at fudiadau a'u cynorthwyo drwy'r broses recriwtio a chefnogi pobl i gymryd rhan yn eu cymunedau.

Beth wnaethom gyflawni yn 2016-17?

Rydym yn gweithio i sicrhau bod mwy o bobl yn Ynys Môn yn cael budd o ymwneud â gwirfoddoli ac yn dathlu cyfraniad gwirfoddolwyr i wasanaethau cyhoeddus a bywyd dinesig ym Môn.

Mae gwirfoddolwyr yn chwarae rhan fwyfwy pwysig a dynamig yn eu cymunedau ac mae Medrwn Môn yn hyrwyddo, cefnogi a datblygu pob math o wirfoddoli, gwirfoddolwyr a grwpiau gwirfoddol ar lefel leol, gan gydnabod bod eu cyfraniad unigryw yn rhoi manteision i'r rhai sy'n defnyddio/derbyn y gwasanaeth, cymunedau lleol a'r gwirfoddolwyr hwy eu hunain.

- Lleoli 13 o wirfoddolwyr
- Cynnal 1 digwyddiad i ddathlu gwirfoddolwyr a gwirfoddoli
- Cynnal 1 ffair gwybodaeth gyda 12 o fudiadau yn ymuno
- Rhannu £4000 mewn grantiau drwy'r Panel dan arweiniad pobl ifanc GwirVol
- Hybu 67 cyfleoedd gwirfoddoli ar www.gwirfoddolicymru.net
- Hybu ac annog cyfranogiad cymunedol a dinasyddiaeth gweithredol

Beth oedd ein heffaith?

Trefnodd Medrwn Môn i Albert Owen AS a Rhun ap Iorwerth AC wirfoddoli gyda mudiad gwirfoddol neu grwp cymunedol o'u dewis yn ystod Wythnos Gwirfoddoli. Pwrpas hyn oedd codi proffil gwirfoddolwyr a sicrhau fod ein haelodau etholedig yn cael dysgu am brofiadau gwirfoddolwyr o lygad y ffynon. Fe wirfoddolodd Albert Owen yn siop elusennol Hosbis yn y Cartref ac yn y siop elusennol Tenovus ac fe wirfoddolodd Rhun ap Iorwerth yng Nghanolfan Dydd Y Goleudy, gyda Digartref yng Nghaergybi.

Dyma stori un gwirfoddolwr:

"Yn ystod fy amser yn gwirfoddoli yng Nghanolfan Dydd, Y Goleudy, yng Nghaergybi, rwyf wedi gallu helpu pobl sy'n fregus drwy roi cymorth, cefnogaeth a bod yn rhywun i siarad hefo am eu problemau tra maent yn teimlo'n unig. Dros y 6 mis diwethaf, rwyf wedi ennill sgiliau a phrofiadau yn y diwydiant gofal fydd o fudd i mi pan yn dechrau fy nghwrs Nyrso Oedolion yn y Brifysgol. Rwyf wedi cael cyfle i weithio gyda tim wych o staff, gwirfoddolwyr a gwasanaethau eraill ac wedi bod ar gyrsiau lle dwi wedi dysgu llawer ac wedi ennill cymwysterau.

Yn gyffredinol, mae'r profiad o fod yn wirfoddolwr wedi bod yn gret a buaswn yn awgrymu gwirfoddoli i unrhyw un byddai eisiau cyfrannu i'r gymuned a gwneud ei rhan i helpu. Does yr un teimlad gwell na hyn a dyna un o'r prif resymau pam dwi'n caru gwirfoddoli."



Dinasyddion gweithredol ac ymgysylltiol

Canlyniad: Pobl a chymunedau'n ymgysylltu a chyd-gynhyrchu gwasanaethau cyhoeddus

Beth rydym yn ei wneud?

Mae Medrwn Môn yn rhedeg Lleisiau Lleol, rhaglen sy'n cael ei ariannu gan y Gronfa Loteri Fawr. Mae 9 mudiad yn aelodau o'r Portffolio, sydd wedi'i ddylunio i gael pobl i chwarae mwy o ran mewn dylunio a chyflenwi gwasanaethau ar gyfer eu cymunedau. Yn ogystal mae Lleisiau Lleol yn sicrhau ffyrdd effeithiol i alluogi unigolion a chymunedau i leisio barn a sicrhau fod eu llais yn cael ei glywed yn ystod cyfnodau cynllunio a dylunio gwasanaethau cyhoeddus, gan ofalu bod darparwyr gwasanaeth yn cael clywed beth yn union y mae ar y gymuned ei angen. Model 'Adeiladu Cymunedau' sydd wedi'i fabwysiadu i hwyluso'r broses, drwy ddefnyddio'r dulliau ymgynghori gwahanol i greu darlun o holl asedau'r gymuned sy'n amrywio o wasanaethau lleol; adeiladau a llecynnau gwyrdd; pobl, gwybodaeth a sgiliau; i rwydweithiau lleol a gweithgareddau cymunedol.

Beth wnaethom gyflawni yn 2016-17?

Rydym wedi gweithio mewn cymunedau i sicrhau eu bod yn chwarae rhan mewn penderfyniadau sy'n eu heffeithio hwy. Gyda llai o arian cyhoeddus ar gael, rydym wedi mynd ati i ddarganfod beth all cymunedau gyflawni ar eu pen eu hunain, neu hefo buddsoddiad neu gymorth gwasanaethau cyhoeddus a sut maent yn gallu darganfod datrysiadau ar y cyd i ateb anghenion cymunedol.

- Cefnogi a datblygu 4 Hyb Cymunedol
- Cydweithio gyda'r Cyngor Sir ar adnabod 3 model o ymgynghori ac ymgysylltu drwy'r Bwrdd Ymgysylltu ac Ymgynghori ar y Cyd
- Cyfrannu tuag at flaenoriaethau Bwrdd Gwasanaethau Cyhoeddus a bwydo barn cymunedau drwy'r broses
- Cynnal a hwyluso Panel Dinasyddion Ynys Môn, gyda 67 aelod yn cyfranogi
- Cefnogi Cynghair Seiriol i weinyddu £20,000 o gyllid datganoledig
- Datblygu safonau 'hawdd ei ddeall' drwy Lleisiau Lleol
- Ymgysylltu gyda dros 2390 o bobl drwy ein prosiect Swyddogion Cynnwys Cymunedau

Beth oedd ein heffaith?

Derbyniodd Cynghair Seiriol £10,000 o gyllid datganoledig gan Gyngor Sir Ynys Môn fel prosiect peilot ac, gyda chynghor a chefnogaeth Medrwn Môn, fe rannwyd rhwng 4 Cyngor Cymuned ar sail eu bod yn ymgysylltu gyda'u cymunedau ar sut bydd yr arian yn cael ei wario.

Cynhaliwyd cyfarfod lle cyflwynwyd syniadau a chytunwyd arnynt gan aelodau'r Gynghair. Mae'r cyllid wedi'i wario ar wneud addasiadau i neuaddau bentref, offer chwarae, pabell fawr (marquee) a gweithgareddau dros y Pasg yn yr ardaloedd. Fe wnaeth y rhan fwyaf o'r Cyngorau Cymuned gyfrannu arian cyfatebol o'u hadnoddau hwy eu hunain. Roedd blaenoriaethau gwario hefyd yn cyfateb i fylchau a blaenoriaethau adnabuwyd wrth gasglu gwybodaeth gwaelodlin.

Ar ôl derbyn £10,000 ychwanegol drwy gyllid Gronfa Gofal Canolranol, mae'r Gynghair wedi sefydlu pwyllgor grantiau bychain i dderbyn ceisiadau gan y gymuned yn unol â'r canllawiau cyllido. Maent hefyd wedi creu a lansio safle we, a gyda chynllun bws mini cymunedol - yn unol â'r blaenoriaethau a adnabuwyd yn y rowndiau gwreiddiol o ymgynghori.

Mae datganoli £10,000 i fudiadau megis Cynghair Seiriol yn eu caniatu i gysidro yn union sut y dylai'r arian hynny gael ei wario yn unol â'u blaenoriaethau ac mae wedi, mewn effaith, eu galluogi i fod yn fwy cynaliadwy wrth gyrraedd adnoddau wedi'u targedu ar gyfer y ward. Canlyniad hyn yw bod mwy o bobl yn ymwybodol o'r prosiect, aelodau yn ennill sgiliau newydd mewn arwain mudiadau cymunedol a phrofiadau o weithio gyda'i gilydd i ddyrannu cyllid, sgiliau a phrofiadau.

Lluniau (ch-dd) Panel
Cynghair Seiriol;
enghraifft o fapio;
Fforwm Pobl Hyn



[illegible]

Trydydd sector hyfyw a chynaliadwy

Canlyniad:
Ymddiriedolwyr hyderus o ran arwain eu mudiadau a chynnal safonau uchel o lywodraethu

Beth rydym yn ei wneud?

Mae Medwn Môn yn cynnig ystod eang o wasanaethau i gefnogi ymddiriedolwyr i lywodraethu eu grwpiau cymunedol a mudiadau gwirfoddol yn effeithiol yn ogystal â'u cynorthwyo hwy i symud tuag at fod yn gynaliadwy a chreu ffynhonnellau incwm newydd.

Beth wnaethom gyflawni yn 2016-17?

Rydym wedi gweithio gyda grwpiau newydd a grwpiau wedi'u sefydlu i'w cefnogi gyda'u hymholiadau am lywodraethu a threfniadaeth. Mae'r gwasanaeth yn cael ei deilwra i gefnogi grwpiau i ddatblygu ymarferion cadarn a gweithredu'n fwy effeithiol.

Rydym wedi cefnogi grwpiau ar faterion o gychwyn grwp i gau grwp i lawr, i gydymffurfiaid, rheoli cyllid, cefnogaeth adnoddau dynol, canlyniadau, monitro effaith a systemau ansawdd.

Drwy hyn oll, mae gwasanaeth datblygu Medrwn Môn yn helpu grwpiau lleol i ateb y galw a hwyluso gwelliant i ddarpariaeth gwasanaeth.

- Ymateb i 8 ymholiad gan ymddiriedolwyr ynglyn â materion llywodraethu
- Cynnal 2 digwyddiad ymddiriedolwyr gyda 74 yn mynychu
- Cefnogi 1 Cynghrair Cymunedol i sefydlu, gan roi cyngor ar dyrannu grantiau cymunedol a materion llywodraethol



Beth oedd ein heffaith?

Derbyniodd Medrwn Môn ymholiad gan Banc Bwyd Ynys Môn, Pantri No. 6, yn dilyn ail-drefnu'r pwyllgor - roedd y gwirfoddolwyr newydd yn awyddus i ddechrau o'r newydd a rhoddwyd cyngor ar lywodraethu, strwythur a ffurf mudiad newydd. Fe sefydlodd y grŵp fel Cwmni Cyfyngedig gan Warant gyda chyngor pellach yn cael ei gynnig am recriwtio a rheoli gwirfoddolwyr, gydag awgrym i gysylltu â chlwb ieuentid lleol a'r ysgol uwchradd. Roedd y grŵp hefyd yn chwilio am arweiniad am gyllid a gyda chymorth gan Medrwn Môn, fe lwyddodd y grŵp i sicrhau £5,000 oddi wrth Arian i Bawb Cymru. Fel un o 4 Banc Bwyd ar yr ynys, fe wnaeth Medrwn Môn annog Pantri No. 6 i wneud cysylltiad gyda'r banciau bwyd eraill i ddysgu a rhannu profiadau.

Fe roddodd Medrwn Môn cefnogaeth bellach i Pantri No. 6 pan wnaeth y grŵp sylweddoli fod eu hadeilad cyfredol yn ddrud i'w rhentu (£5,000 y flwyddyn) ac yn anaddas i redeg eu prosiect - fe wnaed cysylltiad hefo Medrwn Môn ac fe drefnwyd cyfarfod gyda'r Cyngor Tref; roedd adeilad cyfagos i Siambr y Cyngor ar gael ar ddydd Mercher am ffi o £10.00 gan gynnwys gwres / trydan a.y.b.

Mae cyd-weithio gyda'r Cyngor Tref a gweithredu o ofod llai a fwy pwrpasol yn galluogi Pantri No.6 i ffocysu ar eu prosiect a'r tasgau pwysig o ymestyn oriau agor, recriwtio gwirfoddolwyr newydd a marchnata yn hytrach na rhoi eu hymdrech i gyd i mewn i ymgeisio am grantiau cyfalaf i wella adeilad yr oeddynt yn ei rhentu. Mae'r symud i adeilad newydd hefyd wedi'u hysgogi i ffocysu ar gyflwyno datganiadau i'r wasg a chodi ymwybyddiaeth o'r prosiect cymdeithasol sy'n gwasanaethu'r gymuned yn nalgylch Amlwch, tref wledig yng Ngogledd Môn.

Gyda chefnogaeth gychwynnol, mae'r fenter gymdeithasol angenrheidiol yma yn gallu parhau, cyfnerthu a datblygu i ddenu gwirfoddolwyr, diogelu'r gwirfoddolwyr cyfredol a pharhau i rannu parseli bwyd ar fwy nag un diwrnod yr wythnos a gwasanaethu'r gymuned yn nalgylch Amlwch.

Trydydd sector hyfyw a chynaliadwy



Lluniau (ch-dd): digwyddiad codi ymwybyddiaeth grantiau cymunedol Cronfa Loteri Fawr; Sesiwn hyfforddiant; Parc sglefrio, Llangefni

Canlyniad: Trydydd sector sydd â'r wybodaeth a sgiliau i alluogi mudiadau i weithredu'n gynaliadwy

Beth rydym yn ei wneud?

Mae Medwn Môn yn cynnig ystod eang o wasanaethau i gefnogi mudiadau gwirfoddol a grwpiau cymunedol ym Môn drwy ddarparu cyngor, arweiniad a gwybodaeth; cyngor cyllido; hyfforddiant a chyrsgiau i sicrhau bod y trydydd sector gyda'r sgiliau a gwybodaeth angenrheidiol i alluogi iddynt weithredu'n gynaliadwy. Rydym hefyd yn cynnig gwasanaethau ymarferol i grwpiau a mudiadau.

Beth wnaethom gyflawni yn 2016-17?

Darperir gwybodaeth gyfredol drwy ein cylchlythyr Dan Do Môn. Cynhyrchwyd 4 cylchlythyr yn ystod 2016-17 a dosbarthwyd i dros 882 o fudiadau. Rydym yn defnyddio cyfryngau cymdeithasol ar-lein i lledaenu negeseuon am ein gwaith. Mae'r wefan yn darparu gwybodaeth i'r sector, gyda thafllenni gwybodaeth ar lywodraethu, cyllido, codi arian, tendro, grantiau a benthyciadau, cynhyrchu incwm a dogfennau llywodraethu. Rydym wedi darparu hyfforddiant ar bynciau megis Diogelu Plant a Phobl Ifanc a Goruchwyliaeth a Chefnogaeth. Eto eleni bu staff Medrwn Môn yn paratoi a rhannu pabell gyda mudiadau a grwpiau yn Sioe Môn.

Mae'r gwasanaethau rydym yn eu cynnig yn codi capasiti staff a gwirfoddolwyr i allu rhedeg eu mudiadau a grwpiau yn fwy saff a chyfrifol a'u galluogi i gefnogi pobl yn eu cymunedau.

- Cynnal 10 sesiwn hyfforddiant gyda 111 o gyfranogwyr
- Adborth gan gyfranogwyr yn nodi bod 100% yn ystyried ein sesiynau hyfforddiant yn ardderchog neu'n dda iawn
- 5400 o sesiynau ymwelwyr i'r safle we
- Darparu 4 rhifyn o Dan Do Môn
- Darparu gwasanaethau ymarferol 189 o weithiau
- Codi ymwybyddiaeth 2 ddeddf newydd
- Paratoi pecyn cymorth ar gyfranogi
- 9 mudiad/grwp yn rhannu pabell Sioe Môn
- Cynnal 5 cymhorthfa cyllido gyda 80 o gyfranogwyr

Beth oedd ein heffaith?

Mae grwpiau cymunedol yn hanfodol i greu cymunedau cynaliadwy. Mae cael pobl yn dod at ei gilydd i ffurfio grŵp yn helpu i wella cymuned, mae'n hybu cynhwysiant cymdeithasol ac yn cynyddu'r niferoedd o bobl sy'n chwarae rhan uniongyrchol yn eu cymuned. I alluogi'r grwpiau cymunedol yma ffynnu, mae'n hanfodol bod yr adnoddau (ariannol ac eraill) ganddynt i gynnal eu gwasanaethau a gweithgareddau. Mae Medrwn Môn yn trefnu a chynnal nifer o gymorthfeydd cyllido ac mae'n gyfle i grwpiau a mudiadau gael sgwrs a thrafodaeth ynglŷn â phrosiectau posibl a cheisiadau cyllid arfaethedig gyda chyllidwyr. Manteision y cymorthfeydd hyn yw eu bod yn caniatáu trafodaeth fanwl gyda'r grŵp am y prosiect arfaethedig, gan siarad drwy'r ffrydiau ariannu posibl a'r math o wybodaeth y byddai ei hangen, gan gynnwys costau/cyllideb, edrych ar sut mae'r grŵp wedi'i sefydlu a ph'un a oes ganddynt bolisiau priodol yn eu lle.

Ymhlith y cyllidwyr sy'n mynychu cymorthfeydd cyllido a drefnir gan Medrwn Môn, mae:

Y Gronfa Loteri Fawr
Sefydliad Lloyds TSB
Plant Mewn Angen y BBC
WCVA

Un o lwyddiannau mwyaf cymorthfeydd cyllido Medrwn Môn eleni yw Parc Sglefrio Llangefni, sydd wedi sicrhau cyllid o £370,000 gan y Gronfa Loteri Fawr ar ôl i gynrychiolwyr y grŵp fynychu Cymhorthfa Cyllido yng Nghanolfan Ebeneser yn Llangefni, wedi iddynt dderbyn cyngor gan Medrwn Môn i geisio am gyllid Y Gronfa Loteri Fawr. Maent eisoes wedi sicrhau £37,000 o gyllid gan Ymddiriedolaeth Elusennol Ynys Môn tuag at y prosiect ac rydym wedi eu cynorthwyo ymhellach gyda pholisiau a threfnu hyfforddiant Diogelu Plant.

Trydydd sector hyfyw a chynaliadwy

**Canlyniad:
Mudiadau sy'n sicrhau'r
adnoddau a chreu
gwasanaethau newydd
angenrheidiol i oroesi a thyfu**

Beth rydym yn ei wneud?

Mae Medrwn Môn yn ceisio sicrhau ein bod yn darparu rhwydwaith gefnogol o wasanaethau i grwpiau cymunedol a mudiadau gwirfoddol a bod y grwpiau a mudiadau hynny yn ffynnu ac yn cael defnydd.

Beth wnaethom gyflawni yn 2016-17?

Drwy sicrhau fod gwasanaethau cyhoeddus yn ymwybodol o'r gwasanaethau mae'r trydydd sector yn ei ddarparu i unigolion ar draws yr ynys, rydym yn gallu cyfeirio ac annog defnydd o'r gwasanaethau trydydd sector yma. Os oes bylchau mewn darpariaeth, byddem yn amlygu hyn i wasanaethau cyhoeddus er mwyn iddynt gysidro comisiynu darnau penodol o waith gan y trydydd sector.

Mae Linc Cymunedol Môn yn gallu hyrwyddo gwasanaethau a gweithgareddau grwpiau cymunedol a mudiadau gwirfoddol.

- Ymateb i dros 2400 o ymholiadau Linc Cymunedol Môn
- Cynnal peilot gwasanaeth Daisy
- Datblygu 3 Rhwydwaith Dementia lleol
- Cychwyn 'Men's Shed' yn Llangefni
- Ymateb i 45 ymholiad cyllido
- Llwyddo i ddenu £563,150 o fuddsoddiad newydd i weithred lleol, cyfleusterau a gwasanaethau
- Sicrhau buddsoddiad o £50,000 i ddatblygu hubiau cymunedol
- Hybu gwasanaethau trydydd sector gyda Clwstwr Meddygon Môn a Gwasanaethau Cyhoeddus eraill

Cydlynu Asedau Lleol
Local Asset Coordination

Yn Gweithio i fod yn
Dementia-
Gyfeillgar



Beth oedd ein heffaith?


Yn ystod 2016-17 fe dderbyniodd Linc Cymunedol Môn dros 2400 o ymholiadau. Mae Linc Cymunedol Môn yn gweithredu fel Un Pwynt Mynediad ar gyfer pobl Ynys Môn i gael gwybodaeth am fudiadau trydydd sector sy'n gallu darparu cymorth a gwybodaeth i fynd i'r afael â'u hanghenion lefel is.

Mae Linc Cymunedol yn derbyn cyswllt uniongyrchol gan unigolion, ond hefyd yn derbyn cyfeiriadau gan y Cyngor Sir a Bwrdd Iechyd Betsi Cadwaladr, yn ogystal ag eraill, gan gynnwys mudiadau gwirfoddol a grwpiau cymunedol.

Mae nifer y cyfeiriadau uniongyrchol a'r galwadau i Linc Cymunedol Môn wedi cynyddu ac mae gwybodaeth am wasanaethau a gweithgareddau lleol yn cynyddu. Mae Swyddog Datblygu'r Linc yn gweithio gyda phrosiect Lleisiau Lleol i fapio gwasanaethau yn ogystal â'r tîm Cydlynu Asedau Lleol, sy'n gweithio ar lawr gwlad i roi cymorth i unigolion wneud cysylltiadau a'u cymuned a rhoi gwybod iddynt am weithgareddau cymunedol neu wasanaethau gwirfoddol all fod o gymorth iddynt.

Drwy weithio gyda North Wales Deaf Awareness, drwy'r prosiect Lleisiau Lleol daeth i'r amlwg bod nifer o bobl yn ein cymunedau methu defnyddio gwasanaethau gan eu bod yn defnyddio ffôn neu e-bost i gysylltu a golyga hyn fod pobl fyddar neu gyda phroblem clyw yn gorfod dibynnu ar berson arall i gysylltu ar ei rhan. Fe gynhaliwyd peilot o'r enw DAISY - 'Digital Access Interpreting System for Anglesey' am gyfnod o 6 mis ac roedd unigolion yn gallu cysylltu hefo Linc Cymunedol Môn drwy Skype dros o we ac yn gallu defnyddio iaith Arwyddion Prydain.

Ymgysylltu effeithiol mewn polisi



Canlyniad: Sector sy'n cyfrannu'n effeithiol i bolisiau ar bob lefel

Beth rydym yn ei wneud?

Mae sicrhau bod llais trydydd sector Ynys Môn yn cael ei glywed ac y rhoir clust iddo yn un o nodau allweddol Medrwn Môn. Mae rhannu llais y sector yn rhoi llais cryfach i gymundau gan herio a dylanwadu sut mae gwasanaethau yn cael eu darparu.

Beth wnaethom gyflawni yn 2016-17?

Mae gan fudiadau gwirfoddol a grwpiau cymunedol rôl hanfodol mewn mynd i'r afael ag anghenion lleol cymunedau. Maent yn gallu cynrychioli llais y gymuned maent yn gwasanaethu, gan gynnwys y rhai sy'n cael eu hymyleiddio.

Gyda chymorth gan Medrwn Môn, mae mudiadau a grwpiau wedi casglu safbwyntiau a phrofiadau unigolion sy'n derbyn neu'n defnyddio'u gwasanaethau ac wedi cyfrannu tuag at gyd-gynllunio neu wella gwasanaethau cyhoeddus. Maent hefyd wedi gallu darparu gwybodaeth leol amrywiol, gwerthfawr.

Fel Cyngor Gwirfoddol Sirol, mae Medrwn Môn yn darparu platform i'r sector gyfleu negeseuon drwy ein rhwydweithiau a pherthnasau gyda chyrrff cyhoeddus megis y Bwrdd Gwasanaethau Cyhoeddus, Pwyllgor Cyswllt y Sector Gwirfoddol a Bwrdd Ymgysylltu ac Ymgynghori ar y cyd. Yn ogystal mae Medrwn Môn wedi bod yn ffynhonnell ddata a gwybodaeth ynddo'i hun.

- 10 o grwpiau cynllunio/gweithgorau strategol sy'n cynnwys aelodau'r trydydd sector
- 8 fforwm neu rwydwaith trydydd sector sy'n cael cymorth

Beth oedd ein heffaith?

Dros y blynyddoedd diwethaf bu Medrwn Môn a Lleisiau Lleol yn gweithio'n agos gyda Chyngor Sir Ynys Môn drwy Pwyllgor Cyswllt y Sector Gwirfoddol i ddatblygu Cytundeb Compact Ynys Môn, sef cytundeb partneriaeth rhwng Cyngor Sir Ynys Môn a'r Trydydd Sector yn Ynys Môn. Yn ogystal, bu datblygiad o'r Cod Ymarfer ar gyfer Ariannu'r Trydydd Sector (Cod Cyllido), sy'n nodi'r egwyddorion a'r gweithdrefnau ar gyfer trefniadau ariannu gyda'r Trydydd Sector.

Yn ystod 2016-17, wedi i'r Cyngor Sir ymgynghori ar eu Cyllideb ar gyfer 2017-18, fe ymgymerodd Medrwn Môn arolwg i weld os oedd y trydydd sector wedi cyfrannu i'r ymgynghoriad ar Gyllideb y Cyngor Sir, os oeddynt yn ymwybodol o'r Cod Cyllido a sut oedd yn gweithio a.y.y.b. Roedd y canlyniadau yn dangos fod nifer o faterion allweddol i weithio ar gyda'r Cyngor Sir, gan gynnwys trefniadau paratoi dogfennau tendro, codi ymwybyddiaeth staff y Cyngor, codi ymwybyddiaeth o fewn y trydydd sector a annog y trydydd sector i ymgysylltu gyda phrosesau gwneud penderfyniadau er mwyn sicrhau bod eu lleisiau yn cael eu clywed.

Mae Medrwn Môn wedi pwyso ar y Cyngor Sir, drwy'r Pwyllgor Cyswllt y Sector Gwirfoddol, i sicrhau fod egwyddorion y Cod Cyllido yn cael eu mabwysiadu a'u gweithredu. I gefnogi'r achos fe ddefnyddiodd Medrwn Môn ymatebion a chanlyniadau'r holiadur y trydydd sector fel tystiolaeth pan yn cyflwyno'r darganfyddiadau i'r Pwyllgor Cyswllt. Gofynwyd i'r Cyngor Sir ystyried y darganfyddiadau wrth gynllunio i ymgynghori ar Gyllideb 2017-18. Penderfynwyd creu Cynllun Gwaith i sicrhau bod negeseuon o fewn y Compact a'r Cod Cyllido yn cael eu rhannu.

Ymgysylltu effeithiol mewn polisi

Canlyniad:

Y sector yn cael ei gydnabod fel llwybr hanfodol i gyfranogiad ac ymgysylltu, gan gynnwys gyda grwpiau lleiafrifol a rhai dan anfantais

Beth rydym yn ei wneud?

I alluogi ein cymunedau i fod yn wydn ac wedi'u grymuso, mae'n angenrheidiol i'r bobl fod yn frwdfrydig ac yn ymgysylltu mewn cynllunio a chyd-gynhyrchu gwasanaethau cyhoeddus ac yn hyderus bod eu Llais yn cael ei glywed. Mae Medrwn Môn yn chwarae rôl bwysig mewn hwyluso prosesau i unigolion a chymunedau adnabod anghenion neu bryderon gwir ac, o bosib, cuddiedig, i leisio barn ac i ddylanwadu ar wasanaethau lleol a strategaeth yn effeithiol. Mae'r annibyniaeth yma - o bwrpas, llais a gweithred - yn allweddol i bwrpas Medrwn Môn. Mae'n galluogi Medrwn Môn i gynrychioli'r materion sy'n bwysig i'r rhai sydd â diffyg dylanwad a phŵer. I lwyddo i wneud hyn, mae'n rhaid i Medrwn Môn fod yn (a chynnal bod) yn annibynnol. Ni ddylai Gwasanaethau Cyhoeddus orchymyn blaenoriaethau, distewi negeseuon, neu rwystro Medrwn Môn rhag gwneud ein gwaith mewn unrhyw ffordd.

Beth wnaethom gyflawni yn 2016-17?

Lle bo'r sector gwirfoddol a chymunedol gyda chynrychiolaeth ar Fyrdau a Phartneriaethau, mae'n ymarfer da i hyn gael ei gefnogi gan strwythurau ar gyfer ymgysylltu ac adborth gan y sector ehangach. Mae Medrwn Môn yn gweinyddu fforymau a rhwydweithiau i ddarparu'r ymgysylltiad ac adborth; er enghraifft, bu cyfarfod o'r Rhwydwaith Iechyd Gofal Cymdeithasol a Lles yn trafod y sgwrs "Beth sy'n bwysig?" a'r pwysigrwydd o gynnwys y trydydd sector yn yr ymarfer a rhoddwyd adborth i Grŵp Cyfeirio Rhanddeiliaid Bwrdd Iechyd Prifysgol Betsi Cadwaladr ac Iechyd Cyhoeddus Cymru drwy ei ymgyrch cenedlaethol #bethsy'nbwysigichi. Ein gwaith mwyaf dylanwadol eleni, fodd bynnag, yw'r gwaith o ddatblygu Panel Dinasyddion Ynys Môn a Chyngor Ieuenctid Ynys Môn (Llais Ni).

- 67 aelod o Banel Dinasyddion Ynys Môn
- Ymatebodd aelodau'r panel i 30 ymgynghoriad



Beth oedd ein heffaith?

Mae Medrwn Môn yn gweinyddu Panel Dinasyddion Ynys Môn ac mae Cyngor Ieuenctid Ynys Môn (Llais Ni) yn aelod o bortffolio ein prosiect Lleisiau Lleol; mae'r ddau brosiect yma (sy'n deillio o brosiect Lleisiau Lleol) yn rhoi cyfle uniongyrchol i unigolion leisio barn ar wasanaethau cyhoeddus, drwy Medrwn Môn.

Fel Cyngor Gwirfoddol Sirol, mae Medrwn Môn wedi darparu platfform i unigolion a'r sector gyfleu negeseuon drwy ein rhwydweithiau a pherthnasau gyda chyrff cyhoeddus megis y Bwrdd Gwasanaethau Cyhoeddus, Pwyllgor Cyswllt y Sector Gwirfoddol a Bwrdd Ymgysylltu ac Ymgynghori ar y cyd. Yn ogystal mae Medrwn Môn yn ffynhonnell ddata a gwybodaeth ynddo'i hun.

Pwrpas Panel Dinasyddion Ynys Môn yw bod yn llais i gymuned ehangach Ynys Môn ar gyfer unrhyw berson dros 16 oed sy'n byw ar Ynys Môn i rannu barn am wasanaethau cyhoeddus. Mae aelodau o'r panel yn cael dewis pynciau sydd o ddiddordeb iddynt o bynciau fel Hamdden, Swyddi i Iechyd. Mae aelodau'n dewis sut yr hoffem gymryd rhan ac mae Medrwn Môn yn rhoi gwybod i aelodau'r panel sut maent yn gwneud gwahaniaeth drwy roi adborth rheolaidd. Mae 67 o aelodau gweithredol ar y panel ac maent wedi cael dweud eu dweud mewn 30 ymgynghoriad yn ymwneud ag amrywiaeth o bynciau yn cynnwys cyllidebau a blaenoriaethau Cyngor Sir Ynys Môn, Gwasanaeth Ambiwlans Cymru a Thipio Anghyfreithlon ac wedi cymryd rhan mewn 3 digwyddiad ymgynghori. Mae aelodau hefyd wedi dweud wrthym ba mor hawdd oedd hi i gymryd rhan mewn ymgynghoriadau 42 o weithiau.

Ymgysylltu effeithiol mewn polisi



Lluniau (ch-dd): aelodau o Llais Ni yn cwrdd â Arweinydd Cyngor Sir Ynys Môn yn Sioe Môn; Cyfarfod Pwyllgor Craffu Cyngor Sir Ynys Môn; Gweithdy Craffu Llais Ni gyda'r Cyngor Sir



Canlyniad:
Sector sy'n chwarae rôl effeithiol mewn cynllunio, cyflenwi a chraffu ar wasanaethau cyhoeddus

Beth rydym yn ei wneud?

Mae Medrwn Môn yn rhedeg rhaglen Lleisiau Lleol sy'n cael ei ariannu gan y Gronfa Loteri Fawr. Mae 9 mudiad yn aelodau o'r Portffolio, sydd wedi'i ddylunio i gael pobl i chwarae mwy o ran mewn dylunio a chyflenwi gwasanaethau ar gyfer eu cymunedau. Yn ogystal mae Lleisiau Lleol yn sicrhau ffyrdd effeithiol i alluogi unigolion a chymunedau i leisio barn a sicrhau fod eu llais yn cael ei glywed yn ystod cyfnodau cynllunio a dylunio gwasanaethau cyhoeddus, gan ofalu bod darparwyr gwasanaeth yn cael clywed beth yn union y mae ar y gymuned ei angen. Mae Cyngor Ieuenctid Ynys Môn (Llais Ni) yn un o 9 aelod o bortffolio Lleisiau Lleol.

Beth wnaethom ni gyflawni yn 2016-17?

Mae Llais Ni Ynys Môn yn deillio o'r prosiect Lleisiau Lleol, a ariannwyd gan y Loteri Fawr am 4 mlynedd.

Pwrpas Cyngor Ieuenctid Ynys Môn (Llais Ni) yw sicrhau bod llais pobl ifanc rhwng 11 a 25 mlwydd oed yn cael ei glywed a'i gyfleu yn yr un modd a'r Panel Dinasyddion. Mae 31 o aelodau gweithredol.

- 31 aelod o Llais Ni
- 1 o 9 aelod o Portffolio Lleisiau Lleol

Beth oedd ein heffaith?

Yn ystod 2016-17 fe wnaeth Cyngor Sir Ynys Môn redeg peilot, mewn partneriaeth â Llais Ni, i sefydlu ffordd o weithio sy'n galluogi mewnbwn gan bobl ifanc ac sy'n ychwanegu gwerth i graffu.

Fe edrychodd y peilot yn benodol ar y broses o osod Cyllideb y Cyngor Sir ar gyfer 2017/18 a rhoi prawf i weld sut i wella ymgysylltiad pobl ifanc mewn prosesau democrataidd. Roedd yn archwilio sut i ddatblygu dealltwriaeth pobl ifanc o'r broses o symud thema o ymgynghoriad i graffu gan Aelodau. Fe gaeth y peilot yma ei amlygu yn genedlaethol fel model o ymarfer da gan y Ganolfan Craffu Cyhoeddus a'i rannu gyda Llywodraeth Cymru.

Fe wnaeth aelodau o Llais Ni greu hanes wrth fod y grŵp o bobl ifanc cyntaf i fynychu Pwyllgor Sgriwtini Corfforaethol o fewn Cyngor Sir Ynys Môn, ym mis Chwefror 2017.

Mae 301 o grwpiau cymunedol a mudiadau gwirfoddol wedi cofrestru fel aelodau neu aelodau cyswllt

Rhoddwyd cymorth ymarferol, fel ffotogopio neu hurio offer, 189 o weithiau i grwpiau neu fudiadau

Derbyniodd Medrwn Môn 2637 o ymholiadau

Dros 1500 o ddilynwyr ar Twitter and Facebook
5400 o ymwelwyr unigryw i'n safle we

Mae 882 tanysgrifiwr ar ein rhestr postio

Panel Dinasyddion gyda 67 aelod a wedi cymryd rhan mewn 30 ymgynghoriad

£563,150 o gyllid wedi'i sicrhau gyda chymorth Medrwn Môn

Derbyniwyd dros 2400 o ymholiadau drwy Linc Cymunedol Môn

10 rhwydwaith, gynhadledd a digwyddiadau wedi'u cynnal i rannu ein dysgu



Gwranadawyd ar 3000 o leisiau pobl am eu cymunedau



10 person yn gwirfoddoli i Car Linc Môn

375 o deithiau hanfodol gan wirfoddolwyr Car Linc Môn

9748 milltir wedi eu gyrru gan ein gwirfoddolwyr

4 rhifyn o Dan Do Môn wedi ei cynhyrchu a'i ddosbarthu i dros 882 mudiad

Trefnwyd 10 o gyrsiau hyfforddiant gyda 111 o gyfranogwyr

Roedd adborth gan gyfranogwyr yn nodi bod 100% yn ystyried bod y cyrsiau yn 'ardderchog' neu'n 'dda iawn'

Cefnogwyd 45 o grwpiau / mudiadau gyda ymholiadau cyllido

GwirVol

Dosbarthwyd £4000 o grantiau i'r sector gan y Panel dan Arweiniad Pobl Ifanc er mwyn datblygu cyfleoedd gwirfoddoli i bobl ifanc

Buddsoddodd Medrwn Môn £152,973 mewn mudiadau ar Ynys Môn



Lansiad Hyb Cymunedol Llanfair

Cafwyd cyllid o £18,000 gan
Lywodraeth Cymru i greu hyb
cymunedol

Fe ddwyedoch wrthym y bydddech
yn gwneud mwy o ddefnydd o'r
Neuadd Goffa i weithgareddau

Felly bu i ni.....
drwsio'r to,
diweddaru'r gegin,
gwella'r llawr, rhoddyd i mewn
sustem gwres newydd,
a phrynwyd offer TG newydd

**Ymunwch a ni am
baned o de neu goffi yn
yr hyb newydd yn dilyn
ei ailwampio!**

Dydd Mercher 22ain Chwefror,
1-4pm



Cod Ymarfer Ynys Môn ar gyfer Ariannu
Trydydd Sector



Panel Dinasyddion Ynys Môn

Mae gennym: **67 o aelodau gweithredol**

Dros y 12 mis diwethaf mae aelodau wedi cymryd rhan mewn

3
DIGWYDDIADAU YMGYNGHORI

Wedi cael dweud u dweud mewn.....

30
YMGYNGHORIAD



Mae aelodau hefyd wedi dweud wrthym pa mor hawdd oedd hi i ymryd rhan mewn ymgynghoriadau

42
O WEITHIAU

Lle iawn? Amser iawn? Yn y fformat cywir?

Oes gennych chi ddiddordeb mewn ymuno â ni?
Os felly, cysylltwch â
bethancpd@medrwnmon.org neu ffoniwch
01248 724944



DIGWYDDIAD GWYBODAETH GWIRFODOL
DATHLIAD PENBLWYDD
MEDRWN MÔN 15 oed

VOLUNTEERING INFORMATION EVENT
MEDRWN MON'S 15th
ANNIVERSARY CELEBRATION

Dydd Iau 9 Mehefin
Thursday 9 June
10.00 - 4.00pm
Neuadd y Dref / Town Hall
LLANGEFNI
LL77 7LR

Am fwy o wybodaeth / for more information
01248 724944 Bethan@medrwnmon.org

